



卷六丁巳元旦遣興
上子白不三十三言天九黃巖柯驊威

丁巳元旦遣興

前夜我賦錢歲行聞雞起舞剛三更今朝我作元旦歌拔劍斫
地恨如何客言吾子亦老矣慷慨悲歌胡若是豈知我挾此劍
數十年抑塞磊落嘗喟然上既不能佐高皇掣電掃烽煙下又
不能結祖生誓死着先鞭毛錐安足用霜鏑歎虛懸一歲復一
歲白雪滿華顛劍兮劍兮爾毋化神龍騰九天令我不得斬蛟
於深淵

元旦續賦

柯子行年六十三未甘學佛但和南春風消息憑禽語世界滄
桑怕客談我不發兵頭已白人偏得鹿夢初酣小園昨夜添新

雨綠滿佳蔬萬象涵

正月十三夜季球宴月社同人率成一律

野鶴閒雲孰主賓玉壺有酒共沾春
蒼天作意開奇局白日無情老逸民
未死難完長夜夢能貧不礙苦吟身
舉頭試看團團鏡何處飛來一點塵

次和徐曉帆明經遺世感言二首

輞川知否是前身家丹邱徐摩詰後身其老色蒼然過六旬蜀
狗漸拋身外物木雞靜養性中真
莊周安得遽遽覺毛遂羞為碌碌因
花裏一觴兼一詠高歌不愧葛懷民

世間都是黑甜鄉覆雨翻雲胸渺茫
慘綠未能逢座客牡丹謬自號花王
欺孤藐寡嗟新莽剖豆分瓜痛晚唐
十載飽看桑海變隍中得鹿笑人忙

花朝後二日同人賞月草堂次致伯韵

平生放眼空千界今夕談心勸一杯
老氣不隨殘雪盡故人時趁好風來
書中帶草年年長詩裏燈花夜夜開
記否謫仙當獨酌高歌猶對月徘徊

雨後

晚雨喜新晴林園眾綠生羣芳皆可采
孰與菜根清

二月十九為先慈楊太宜人生辰奠罷泣下

一別春暉二十年哦詩空廢蕝莪篇
諸孫不肖兒今老酸淚應教落九泉

山居雜詠十五首

不才未受王明福霖雨蒼生願已違
一井甘泉四鄰共喜無涸

嶽卧崇扉并泉

讀書為卷壁蕭然賸有苔
紋筒箇圓我本放翁飢亦忍
不須雨過獻青錢陸聖若

畫棟雙栖春晝遲
一番鴛鴦子話勤斯羽毛豐滿高飛去
目極雲

山腸斷時梁燕

偶攜藜杖小園旁
春韭秋菘較短長
衮衮諸公爭肉食
山人翻

愛菜根香國疏

三世儒冠莫療貧
無多書卷轉加珍
況當地老天荒
日何物能

消萬斛塵書翁

去年花落久成塵
今歲花開亦可人
自歎青絲已如雪
何時鏡

裏復生春庭花

孰為天公洗此眸
銀河一碧水悠悠
江湖多少魚龍怪
能作溫

犀照見不夜月

芊芊碧色上闌干
曉露初晞雨未乾
惆悵王孫何處去
五陵春

暖不勝寒芳草

纖纖素手剪裁工
博得蠅頭當女紅
但使揚仁編四海
棄捐寧

復怨秋風竹扇

一曲霓裳落九天
那知滄海變桑田
至今惟有梨園技
到處腰

間十萬纏劇場

幾輩英雄入局中
蒼黃劫急眼矇矓
何如局外閒閒觀
落子高

低早在骨棋局

文人窮後覺詩工
我不工詩遇亦窮
自恨此中佳句少
敢將憤

憤怪天公詩索

渭水桐江樂趣深
子陵尚父兩無心
至今白浪滔天湧
縱有河

魴不易尋釣竿

不為朝廷斬佞臣上方正氣憤難伸朱雲逝後無人請三尺霜
鋒一寸塵寶劍

行間慣掃千軍陣夢裏曾開五色花寫盡文章消盡恨管城春
去興猶餘光華

褚九雲明經以先嚴百歲感賦一律索和次韻

蹉跎白首負親恩賸得楹書一卷存詩儼七歌慚杜甫余有前

車驅九折類王尊昔年作史關中路過秦笏田種樹悲無父蘭

砌時花望有孫我亦蓼莪同抱恨寸箋愧答雁宣門

閨花朝前一日致伯招飲月社同人送志韶之申江兼懷

一山次其韻

來朝又到閨花朝放眼江山破沈寥知己難逢桐作爨先生無
恙柳成條但將春色壺中買遑恤朱顏鏡裏凋試聽城頭遼鶴

語不應富貴勝漁樵

子皋選賞牡丹戲贈一絕

天公厯亂散天香蝶醉蜂癡儘日忙借問主人甘石隱棋碁

房眼中何事戀花王

清獻諸生旅行雁山同事邀余同游余以往來僅一星期

未能盡興因約朋輩秋間去游先賦長句以為將來之券

西北之山孰最高終南太白凌雲霄東南之山孰最奇天台雁
宕人間希我昔宦三秦高者聞其名今我歸故里奇者未識真

馮唐嗟易老揚子難逐貧鬱鬱而居此謝公笑殺人同人勸我

同行好我謂此行殊草草草游山世所嗤秋以為期不嫌遲

檢點山屐還少待慎毋秋到將期改

番禺汪兆鏞孝廉國變後自號永覺道士有三秀才行讀

之有感有序

辛亥之變湘潭何性存承蠡客粵東某提督所聞變自
經死香山李邨雨澤霖居城南為塾師聞變絕粒五日
死江陰趙煥文彝鼎聞變不食三日未殊手書絕命詞
大旨以朝廷養士三百年豈容倡排滿之說書畢至三
賢廟自經死之皆秀才也嗚呼可以愧貳臣矣

人生自古誰無死泰山鴻毛有別耳憶昔辛亥年鞞鼓一聲起
健者袁本初巧試屠龍技衮衮諸鉅公攀附可勝紀褚淵誠足
多袁粲何足齒日月幾何時猿鶴埋骨荒山裏沙蟲都付東流
水偉哉三秀才老記室村夫子知禮義重廉恥一死報君王大
節三仁似我亦前朝明經士胡為偷息仍在此嗚呼偷息仍在
此別有區區嘗永矢

上巳儼集鑑湖修禊因雨敗興致伯以詩柬同人次和

雲翻雨覆亂心曲天荒地老何處宿我欲釣巨鰲長虹為竿愁
不足我欲斬癡龍古劍生苔嗟已綠春深酣卧北窗間髣髴擊
碎唾壺玉覺來一夢醒南柯但見五嶽三山懸尺幅故人乘興
來草堂修禊約作蘭亭續我聞斯言亦欣然借求友聲可出谷
眼中未見波千頃胷中頓撲塵萬斛豈意好事不克諧夜雨瀟
瀟打窗竹朝起散髮看江山山容如墨江如綠戴烏巾坐白屋
欸歔日月雙飛轂矯首問天天不言拔劍斫地地不縮我思造
物本慈仁胡為待人如此酷方今布穀已催耕雨師安得不降
福邨伯遙遙苗黍枯難得一元調玉燭吾興雖已敗吾腸仍不
俗明朝紅旭麗青天如何不造名山麓

前詩既成次日雨霽余遂偕致伯往游鑑湖致伯復成長

句次和

雨師生性何執拗敗我清興游壺嶠詩成矯首問蒼天天心悔
 過我早料曉看紅日湧如輪快喚蒼頭來僱轎我出南門轎已
 停君之高軒尚未到不知此行來何遲僕夫驚疑齊遠眺已而
 報道雙鳧飛後先同會關公廟路逢南公約略詢詳詳知是主
 人已歸棹主人都在鑑湖旁湖中魚雁易於召適逢河西使者
 來始謂寄語吾儕懷道貌乘興放輕舸招涼脫皂帽夕陽紅在
 山四顧容嘯傲嘯傲乾坤誰與傳孔門風浴璫溪釣碧荷筒湖
 心倒白楊擅湖畔罩燕燕帶霞飛鶯鶯隔葉叫棟花爛熳棗花
 香碧波蕩漾碧峰峭大好湖山入畫難如何不把塵襟掃樵唱
 漁謳別有天避秦乃見桃源妙雖然桃源是寓言虛者安得與
 實較越水天然兩鑑湖永和之歲蘭亭耀至今寄傲初開軒遞

遞千載賡同調君不見諫垣遺老魯靈光風流文采猶年少

上已後一日同致伯暨湖社楊定孚給諫南舜譜司馬程

梅卿程仲明兩茂才同游鑑湖

小舟蕩槳趁斜陽山翠重重撲面涼萬頃波光天上一番詩
 思水中央銀魚紫蟹原無價綠藻青蘋別有香為祝岑樓添百

尺湖軒心屋三間元龍高卧貌倉倉

上已後三日寄傲軒留別湖社諸君

白蘇但作杭州守不識吾鄉有鑑湖若使兩賢來寄傲尊前惜
 別更何如

鑑湖歸棹途中寄湖社諸君

寄傲開軒共九人何人不思樂千春至今一讀題襟集得毋感
 舊多悲辛是軒落成於乙卯尤君瀚吁嗟浮世若大夢愚者徒

自勞其神生前富貴籠瓔珞死後文章付劫塵寄語諸君子人生行樂耳西湖望遙遙東湖亦孔邇何幸家住鑑湖旁湖外山青青湖中水瀰瀰樂此好山水壺嶠仙人差可比回頭一嘯為君歌水底魚龍躍如起

三月初九日游九峰有感

修禊曾游鑑湖曲檢書又訪朗公祠去年童冠都星散獨有青山似舊時去年曾課

李生博誠來謁喜其任軍醫官數年尚無官場習氣贈一

絕

宦海抽帆得意歸舊時氣概恐全非高談中外仍驚坐桃李春深尚有輝

園中芍藥盛開一本計七十餘朵為賦九絕句

一叢嫩綠露華滋輕暖輕寒力不支可似玉環新睡覺奩前雲

髻半偏時其葉之初生

半含淺碧半含紅無限丰神蘊藉中可似絳仙人未識綠楊堤

上立春風半含綠半未紅

命中不犯桃花殺傾國傾城笑彼穠可似羅敷念夫婿忍教蜂

蝶浪偎紅花紅心

牡丹花外盼君王近待何堪雨露忘可似莊姜春思遠黃裳灑

落有清香花初開

煙紅露綠曉風香素影娟娟倦倚牆可似梅妃防寵替自調容

粉學新粧花開一二日

碧紗春外日瞳瞳春盡留春醉態工可似西施采蓮去天然花

貌映花紅外花之始開

西山落日倏沈紅夜合風流一樣同
可似阿嬌嬌欲睡坐看月上
閉簾櫳斜日落間

東風吹暖曳瓊枝
翩翩纖腰入畫時
可似漢宮飛燕舞香飄紅袖影
參差翩翩所愛

淡雲如練雨如絲
弱不勝寒淚暗垂
可似息媯新去國低頭不語寄相思
經雨後花

九續青錢萬選曲

此曲為晉軍國料擁兵入都通蔡懸統解散國會而作

收回覆水幾何時
紅豆花開香滿枝
屈指端陽佳節近
相期續命再添絲
先帝剛腸原似鐵
須臾忍斬同心結
如何今上性慈祥
輕離竟蹈前車轍
妾嘗清夜自捫心
操縵方期奏雅音
豈意三彈猶未畢
一聲裂帛又停琴
咄哉今世是何世
相臣欲把強鄰制
熊羆十萬未遐征
粉黛三千幾餓斃
天王明聖不可誣
赫

然一怒免夫夫長安緹騎紛紛出
社鼠城狐大蔽辜
奈何將軍復跋扈
報道漁陽震鼙鼓
鼙鼓一聲動地來
蒼黃膽落胭脂虎
雖然今上是英雄
誓死甘心保六宮
爭奈楚歌聞四面
虞兮泣別負初衷
鳳泊鸞飄何處止
西南得朋亦孔邇
倘念紅顏怒髮冲
安知不雪圓圓恥
吁嗟妒寵復爭妍
莫怪家人不愛憐
能向靈山急懺悔
他生或可卜良緣
阿儂生長長千里
喚渡招招多舟子
人涉叩否叩何須
指點伊人水中沚

玫伯作無題三絕似中有所憂者戲為次和以解其憂

江南三度落花餘
蝶醉蜂狂幻相虛
為愛御溝春蘊藉
紅情留待葉中書

莫怪秋期渺渺遲
天河烏鵲轉生疑
待看七夕填橋渡
萬斛閒愁破黛眉

昆明春冷劫灰沈鶯燕參差去上林帝子銜冤化精衛安知填
海枉勞心

哀復辟

大江東去不可迴大海西流不可止縱有醫國手其如人心死
何謂人心死無信義無廉恥識時務者稱傑上愚哉桓侯孫誓
廷漢家祀前者幕府會將軍將軍一諾沾沾喜今者羽林商諸
將諸將同聲差可恃時乎時乎不再來沖聖復辟當在此果也
一夕奏奇功手挈河山還天子天子下詔擢羣臣羣臣上表謝
恩旨苛法除秦萬姓歡威儀復漢千官美日月方重光干戈又
四起鼙鼓喧傳畿輔間彈丸飛落宮廷裏背城一戰燼難收九
衢三殿咸焚燬沖人何罪民何辜搶地呼天哭不已誰斷霽雲
指誰嚼睢陽齒身中忍相殘壁上忍坐視滔滔羣不逞信口雌

黃撓國是嗚呼人盡樂其所以亡中國不亡將誰俟君不見三
韓內訌無時休東隣并之朝野俯首而帖耳

稻熟多雨區區租穀堆積草堂欲曬不能戲作問天公一
首

天公憤憤雨不止貧家無穀穀皆是搔首問天公逼人胡至此
天公亦仁慈赫然一怒詰雨師雨師大笑今何世余敢獨行其
專制恆雨非所宜無奈是民意君不見羿射九日落虞淵蚩蚩
都頌唐虞際眾方喜淪胥底事倏開霽天公聽罷悄無言俯視
塵寰但隕涕我顧天公涕何暇為穀計撫髀肉惜陰逝足吾所
欲僅百歲安得魯陽猛麾戈快上陽谷朝天帝

後七歌

黃矣開國四十年卧榻豈容他人眠何物侏離欲逐逐視如机

肉大垂涎蠻書一紙虛聲唱無限精華拱手捐嗚呼一歌兮悲
風起時日曷喪扶桑裏

我讀賈生治安策公忠體國心精白何來六賊稱政客討論乾
坤陽九厄日夜催開帝子花蝶蜂狂醉長安陌嗚呼二歌兮淚
沈瀾至今名士無心肝

本初健者思稱帝羣小都道為國計一聲鼙鼓滇南厲高山王
氣須臾翳楚歌四面逼人來病喚奈何徒隕涕嗚呼三歌兮歌
聲哀百姓何辜付劫灰

鷹隼瞬羣雄恣孰非鬥力兼鬥智自顧智力不如人烏得拔
幟而立幟蠶蠶有毒尚當防奈何履虎如兒戲嗚呼四歌兮歌
淒然他年噬臍有誰憐

昔年放逐自詒戚鳳泊鸞飄淚滴滴一朝僥倖重開幕橫議仍
為眾矢的不是將軍逞虎威安得天公一霹靂嗚呼五歌兮歌

當哭狂童之狂何能淑

咄哉魯陽恃神威誓欲麾戈返落暉六年偷活心事違一夕收
功千載稀無奈舉國人心死獨木難支淚滿衣嗚呼六歌兮愁
腸結從此歲寒無氣節

我生行年六十三老氣何如陸劍南夢中殺賊陣雲酣覺來涼
月落茆庵挑燈急把南華讀鼠肝蟲臂深自慚嗚呼七歌兮歌
思畢亂代飄零贖禿筆

規贈邱菴南郎官

君自學佛歸茹素竊自喜昨夜訪故人不意大詆毀君憤其不
情痛似入骨髓毀者雖曰非憤者誰云是靈山會裏人安得庸
庸比廣大佛之量慈悲佛之旨眾生不能覺寸衷滋愧耳不愧

而生憤所見何太鄙惟仁可包蒙儒釋同一理不然犯而拔去道恐千里

犬眠書室贈一絕

嗟爾不逢隆準公沙場無復立奇功日長飽飯垂頭睡老去英雄落魄同

蔣柳泉過訪去後有感

老去無朋孰我憐況逢知己益懽然追思禪寺聯床話幾輩荒墳宿草鮮

石塘 明 經 中 學 子 孫 茂 林 先 從 康 高 子

七夕書感三首

壯士骨沈無定河閨中少婦恨如何一年一度常歡會却勝人間死別多

橫海樓船倏上天狼煙到處駭神仙不知今夜雙星渡能否平

安話夙緣

古初婦女類癡頑巧乞天孫見一斑今世聰明皆雪亮入時花樣不須煩

十錦花

七月猶開十錦花花如見錦橫斜色絲本是天孫織落在人間亦可嗟

呂化光有文章拋盡愛功名向放翁讀之作一絕我戲效之亦作一絕

衛霍功名誰不愛韓歐文字更難拋魚熊並得斯為美不爾慚非一世豪

家人嫌我耳微聾

自賦歸來耳漸聾家人都怕我龍鍾豈知川沸山崩日難得天

然此墮聰

器成偕令子哲文過訪聆所言似欠達觀贈一絕

喬梓因何訪草堂
麥秋已過餅猶香
莫嫌下酒無長物
案上遺書有老莊

讀放翁貧甚戲作絕句有二作詩博得一生窮余因之戲

作一絕

放翁老去類書癡
強忍飢寒怨作詩
天下窮人無量數
幾人詩筆似公奇

中元前一夕偕子辛訪致伯坐茅亭玩月

新荷出水含清香
老柳披風生夕涼
最好白鬚步明月
憑誰畫入後凋堂

中元夜同致伯益敷子辛家心補公坐公園水亭玩月

昨宵曾叙茅亭樂
今夕來招水榭涼
一樣荷花紅醉露
心清無地不聞香

中元後一夕同致伯子辛玩月於半石山房

團團天上初更月
磊磊人間半石房
安得庾園寬十笏
好留餘地任徜徉

中元後二夕偕月社同人宴公園玩月

古人秉燭尚清游
況值寒光萬里秋
是我前身君識否
肯教一片白雲浮

贈家雞

牛後追隨世所羞
林園無恙足勾留
可憐五德生皆備
口實艱難但自求

中秋偕致伯子辛家心補公游鑑湖是夜月色極佳賓客

極盛為寄傲軒落成後所未有賦呈同人

頻年兀坐青燈屋四方靡騁傷感感太白空思秉燭游江都曾
苦下帷讀春閒補襖來茲湖湖光山漾手可掬當時新月狀如
鉤寄傲開軒誇眼福流光如電又中秋故人約我前游續一葉
扁舟鏡水澄四山斜日巖花馥賓主懽然十九人半是少年半
耆宿主人款客宏張筵筵上芬芳列魚鮫一飲傾酒三百杯一
哺撲塵千萬斛醉後打槳放中流仰視長空青如沐銀河無色
星無光山見重重水見複耀金沈璧交生輝萬朵白蓮開天竺
年年明月今宵多多如今看不足歸來時夜近三更棹歌疑
是羽衣曲吁嗟乎塵世玩月月雖佳終是憑虛畫一幅安得擲
杖飛入廣寒宮細看嫦娥鏡裏橫波目

湖社主人程梅卿以店未至復成寄懷一首

烏帽青衫白髮新秋高何處問前身放船難得今宵月補襖空
忘舊雨春河漢欲流天洗淨湖山如畫我來頻此行原極人間
樂却少吟朋一悔真梅卿別

九日集九峰放歌簡致伯蒞南

雁宕歸來纔五日檢點詩囊未下筆曾中富有百二峰眼底九
峰烏足匹雖然喪亂歸故山年年九峰賞佳節今年天氣晴更
佳羣賢畢至少長集簪髻來摹萸菊芳登堂親薦藻蘋潔漢官
威儀雖已非先賢俎豆猶未撤彬彬不愧鄒魯邦憑誰學聖誰
學佛時蒞南讀書九吁嗟乎東北大地半懷襄黃河到處口皆
決西南鼙鼓交喧闐神州莽莽將分裂男兒拔劍浪高歌自歎
頭顱白如雪長此林下掛詩瓢何處一腔灑熱血詠歸少憩後
凋堂主人示我詩一帙五古伯一出示雁山紀游其古可醫俗其清

可濯骨我因回憶雁宕峰曾次豁然奇而崛

雁宕放歌一首六十一韵 丁巳

昔者史公好游名勝地行文疎宕多奇氣我嘗歷走兩河三輔
 間徧覽終南嵩華之形勢喪亂歸隱九峰山縱筆仍為筆所掣
 讀書眼欲昏臨文心如醉雁宕東南之鉅觀朝發夕至尤易易
 中心藏之數十年垂老如何甘心棄春間訂約秋為期屆期更
 喜日開霽天公促我裝故人褰我袂朝出南門郭暮宿大荆肆
 明日旋上北斗洞洞外幻相天位置靈峰經兩宿何峰不拔萃
 靈巖經一宿何巖不出類大瀧湫裏瀑布飛奇特尤覺冠一世
 此間雖有六勝八大觀湖是謂六勝梅雨巖大龍湫靈峰石梁
鐵石梁洞是謂八仙橋要以三絕為稱快靈峰靈巖靈湫試與狀二
 靈二靈何光怪慈悲佛真相灑落仙丰致蔚如虬龍姿翩如鸞

鳳翅爛如羣花開上林朗如奇貨列闌闍森如羽林軍旂鼓堂

堂排萬騎燦如明堂位黻冕煌煌朝四裔咄哉造化工不許人

間畫試狀大龍湫龍湫何奇麗千文長虹垂萬點天花墜不雨

溼沾衣白玉烟無際湫前有三碑我聞天台匡廬間飛瀑人人

爭噴異豈知匹練亂縱橫何如玉屑霏霏細龍兮龍兮神乎技

吁嗟乎天遣五丁力士開茲山胡為放在東甌界謝屐未全窺

千年詎那始得飛錫掛龍湫本為僧坐此貫休愛東游貫休

一行畫南戒一行畫於雁宕山川下逮宋元與明清盛

衰興廢殊難話今我來此山奇巒怪岫仍霞蔚古剎盡荒涼化

人都引避淨名不聞鐘磬喧能仁但見莓苔藹淨名能仁二長

嘯問山靈山靈亦感慨安得愚公今再生移至大劫風輪外西

小舟如詩存

谷傍瑤池能使天竺愧東谷傍瀛洲能使蓬萊畏吾將逍遙於
雁宕之麓兮日夕吞湖光挹山翠以下除卷末三句外每醉射虎
蹲醒與獅戲犄犀之角吸龍之涕鳳為之啣書鹿為之獻瑞五
老聯袂而劇談三賢望風而踵至乃會眾仙於橋聚千佛於寺
敞錦屏張霞帔洗仙掌整雲髻排藥杵展旂幟削玉買春含珠
漱瀨老叟伏案聽詩老僧披衲誦偈玉女笑拈竺國花秀士爭
赴靈山會昂首看碧霄恍恍乎玉帝招賢羽人擁篲不覺戴朝
天冠縮芙蓉帶揮一枝大卓筆醮龍鼻水學雁湖字倚瓊臺為
作記觀音但會其大意羅漢莫名其妙諦天王曰嗟天橋之高
不可量天樂之清不可議其命石居士泐石碑銘金鼎永垂千
秋萬歲令司馬子長見之魄動而魂悸

雁宕雜詠百首

石門潭

兩山削不成一水深無既有客泛仙槎已入桃源未

小童巖

少時佩觿早轉瞬嗟已老爾果服何丹童顏千載好

接客僧

有仙山自名有龍水自靈朝夕盼游客毋乃誤勞形

落屐亭

謝公未到此何由落屐齒不意悠悠口積非可成是

洗心泉

何術洗乾坤端自洗心始安得一勺泉變作東海水

一綫天

塵埃隨野馬四顧雲沈沈最好天衣縫光明印我心

長春洞

朱顏不常好青春嗟易老福地可長生入山悔不早

照膽潭

義膽自天生將以照千古潭水不解憐底事憐余苦

靈芝峰

靈芝本瑤草茹者應有道商皓非完人謝之入海島

五老峰

疇昔共游河親見中天治轉瞬海西流老詩胡不愧

戲獅峰

海宇凋唐沛沛睡者不知悖醒眼看乾坤莫學纖兒戲

鼓槌峰

四郊多鋒鏑此槌何不擊一擊鼓淵淵氣作誰與敵

覆船峰

何日狂風厲偶爾覆茲地安得陳死人起為同舟濟

架海峰

海綫爭求通海輪爭逞雄何如峰架海奇技出天工

淨名寺

浮生名未淨烏識不二法一默契真詮永不墮塵劫

鳳凰峰

萬古鬱蒼堯雲霄一羽毛楚狂不知德相見漫相嘲

鬥雞峰

昔者魯之季私門學兒戲於今外侮多毋再傷同類

石鏡臺

朗朗芙蓉闕皎皎蓬萊月莫謂石無光光徹萬千物

閻王鼻

我懷隆準公慷慨歌大風大風今不起嗟爾鬼何雄

剪刀峰

金甌墜地缺玉弩驚天烈誰能借此刀翦滅羗與羯

珠簾水

萬點灑珠璣間雲帶雨飛何人垂箔坐環佩響江妃

行春橋

春來花自放春去水仍香柳陰曳如畫行行春意長

火焰峰

火器猛如霆克焰驚竇逼君果日之精一出燭火熄

芙蓉峰

芙蓉生太液面共玉環白誰嫌脂粉污移種神仙宅

石羅漢

相傳羅漢自漳州航海至遇樵夫飛上巖化為石

舟自海中來錫從石上掛四果離人天一卷共不壞

鐵城障

怪事何咄咄堅城鐵作骨可惜虛無人難灌英雄血

甘乳泉

哀鳴徧萬戶赤子誰為撫噫嘻一勺泉難濟嗷嗷苦

龍鼻水

鼻已為游客所傷

飛不至於天潛不伏於淵空谷日流涕沈寃果誰憐

溫泉

豈為浴太真千載難洒恥乃邀羅漢浴一脈分於此

呂祖亭

相傳此呂祖

自卧邯鄲枕黃梁一夢醒嗟余老磕睡仰止愧高亭

二仙談詩

善易不言易善詩不言詩二仙尚絮絮恐貽識者嗤

聽詩叟

平生不藏拙慣噴吟腸血老叟好聽詩聽罷作何說

仙掌峰

漢帝金莖露恩眷良足慕長安今已非恐徒洛陽路

天聰洞

神淵

孰云天無耳三漏髣髴似呼籟苟可聞何憚屐折齒

展旂峰

拔幟漢淮陰奪纛宋忠武至今大將旂落日照荒塢

安禪谷

何處是禪關蕭然空谷間不起亦不滅盡日雲間間

奇山洞

雁山多洞天仙人皆有緣奇仙只一洞不識任何仙

初月洞

我來月幾晦我去月生明來去無芥蒂晦明詎有情

含珠峰

明媚入山骨前身天上月懷寶雖迷邗光氣自蓬勃

石居士

咄哉石居士其心不可轉今世盡轉九孤立難乎免

將軍抱石

不是故將軍其誰肯抱石抱之何日休天補方可擲

僧拜石

磊落一卷石瞻拜復何益不言最可人中有無瑕璧

鐘鼓巖

日出誰聞鐘日落誰聞鼓所望巖巖者為我醒萬戶
果盒巖

入盒是何因出盒是何果因果皆空空我今且忘我

道士巖

令威去不還千載無道士昨夜夢羽衣願我得非子

觀音巖

今世是何世滾滾長江逝慈航泊山顛眾生其誰濟

淨瓶峰

瓶瑩碧如玉水清渾可掬安得假楊枝灑徧村村屋

託硯峰

我硯怒欲焚君硯欣有託問君託何方笑指大筆卓

象牙峰

春秋為賄戒焚身三致意山靈縱無言見者寧不惴

丹桂峰

丹桂月中物天香清拂拂豈因折者無分以供千佛

伏牛峰

司牧瘵厥職伏此應太息我試為求芻起竭耕田力

朝天峰

紅陽不開霽黃霧漫漫翳晨夕勤朝天知否天如醉

招賢峰

天地倏已閉淒灑高賢淚招之隱名山巖薇良有味

蹲虎巖

茲虎原非虎箕踞似威武孰是李將軍醉射沒其羽

礪齒峰

古之隱君子漱石礪其齒今人善雌黃磨厲何須爾

倚天峰

我挾一長劍寶光射天外君胡但倚天天崩仍戰戰

獨秀峰

誰覺舉世濁撲去塵萬斛秀出百二峰天何生是獨

大卓筆峰

興酣搖五嶽陣堅掃千軍具此大手筆何人可論文

天柱峰

天閉未能開天傾未能補日懷砥柱心誰諒君心苦

天冠峰

漢官何處逢周冕何人惜山行見先型不覺心惻惻

玉女峰

彼美顏如玉胡為老空谷金屋多無鹽翠微可獨宿

雙鸞峰

鶯鶯轉上林燕燕巢危幕獨爾愛幽棲卓立千寺壁

一帆峰

浮世如浮漚瀛寰一芥舟為問揚帆者斯帆何日休

五指峰

有身責使臂有臂責使指指揮不如意崇高亦可恥

飛橋

天光上涵碧瀑布下瀉白中有長虹矯飛渡神仙客

瑞鹿峰

秦已失其鹿中原人逐逐玲瓏沈有年何時出空谷

天橋

碧落本空空誰駕一彩虹玉鑿今不出枉自費神工
馬鞍嶺

天馬期行空昂藏氣似虹安得伏波據顧盼生雄風
常雲峰

出岫豈無心歸來斜日陰未能散花雨慈陰愧觀音

能仁寺大鑊

宋元祐
年鑄

古錢鎔為銅古礮鑄為鐵茲幸棄荒山得見元祐物

菊英潭

一鏡漾晴瀾非秋氣亦寒瓊英開朵朵落後待誰餐

梅花水

匪淺亦匪深梅花漲碧潯天心不可見能否見余心

卧龍峰

聞君生漢時高卧南陽裏何年來此山至今猶不起

大龍湫

長如虹飲澗細如玉飛屑比中有伏龍呼之渾欲出

朝天鯉

鯨鯢跋浪起神物失其水遊跡至荒山天漢空翹企

頂珠石

桑田變滄海典物今安在如何古桃源不知玉步改

將軍巖

赫赫今將軍誰不行開府君昔有頭銜底事棲淨土

抱兒峰

申甫嶽降神周家得再造蒼生望斯人其如在襁褓

削玉峰

名山藏太璞千載形神全削之雖成器得毋喪其天

天樂峰有松

何地非桑濮淫哇日交作不意聽松風如聽鈞天樂

雁湖

湖水平不溢湖月清先得孤雁一聲鳴河嶽都動色

鐵船雁

神工試妙手傑構人識否嗟嗟橫海船何步西夷後

鷹巖

孰飢而依人孰飽而颺去不飽亦不飢中有煙霞趣

天王峰

我讀匪風詩平居有所思思之不得見何幸今見之

梅雨潭

梅從雨裏開雨向梅中灑是色即是空此意何人解

伏虎峰

羣盜滿綠林蚩蚩不能逐爾忍伏此間聽其食人肉

煉藥爐相傳王子處

豈有長生藥能使人不死王子果仙乎丹爐亦巖耳

石棋枰

彈棋如用兵只爭一先著當局兩神仙先鞭如何着

龍首巖

羣龍戰於野玄黃血乾否何意游名山猶見龍之首

秀士峰

腹有詩書氣文采與眾異罷試幾何年仍負凌雲志

美人峰

美人生西方胡為入東海西方今何如到此觀自在

石佛洞

非佛非佛歸然一巨石兩者俱無言渾渾化形迹

吹簫峰

天樂何飄飄天籟何蕭蕭愚哉王子晉跨鶴吹碧簫

石浴桶

千佛浴一桶其水何時澈果然不壞身豈待浴之潔

讀書巖

讀大經處

古人讀何書結茆來靜域今人讀何書擔簦去異國

仙杖峰

仙杖仙人策色如白玉白能否扶我危手把星辰摘

文會巖

論語已代新春秋都東閣吉人文字緣更誰訪邱壑

感園中菊謝

凜凜歲寒至何心望世知惟君能知我歲歲秋為期憶君初度
止一見便神怡黃者金壇采白者玉凝肌綠者漾春波紅者裊
烟絲黑者波斯黛紫者商山芝清寒如高士灑落如仙姬消瘦
如騷客湛寂如禪師不忍孤芳冷能將晚節持老懶斬百戀偏
獨戀東籬籬外放一花窗外得一詩君固憐我淡我亦愛君奇
天付傲霜骨安能相以皮雖無送酒者不醉亦如癡懽樂曾幾
何又賦歸去辭歸去復歸去後會當有期來歲見君面君面如
少時我面添霜髭

壽致伯六十

生人誰不願上壽錢鏗八百果誰有有之一轉瞬間耳虛度得
毋呼負負佛家貴不壞儒家貴不朽天地寄蜉蝣安得無樞紐
羨君壯老堅一節事事耽落古人後綺歲讀書九子峰漢宋諸
家恢恢受暮年服官五嶺南中西兩派循循誘喪亂賦歸來但
種宅邊柳柳陰綠滿後凋堂柳風吹盡纖塵垢六旬初度菊花
香開筵招我百壺酒我飲召酒顏雖紅無奈蹉跎已白首白首
抑鬱最傷人況復乾坤厄陽九君嘗憐我伏櫪吟我亦愛君埽
花帚吟六句初度君贈詩有伏櫪長為說武宦海多相知山居
幾老友今朝祝緞未成詩不意季方來座右脫編方半通季味
過勞此後宜謂君著述過勞神養生宜學漆園叟難弟春難兄
美意亦良厚我推其意進一解百歲期頤終撒手太上立德自
悠久君不見文中片席光河汾千載儒林仰山斗

歲暮雜感十首

一陣狂風起怪雲甬江爭擁故將軍城門失火池魚沸豈獨亡

人類自焚浙江

獻忠死後三百年濯錦江邊好放船天地無情春色去至今巨

港又屍填四川

十萬熊貔下北燕湘江白浪湧連天先朝宿將忠魂在應望京

華泣九泉南北兩軍

號虎脣齒本相依爭奈潮汕難解圍一步雷池愁易越北平枉

自將梅飛南軍猛攻福建督

金陵坐鎮矯如龍大樹將軍一世雄飛入燕都思玉食轉傷鐵

羽困樊籠如為國璋為總統不

一婦何能事兩姑袒劉袒呂貴分途如何鷓蚌相持日巧作漁

人利是圖

三由北相持蘇皖錢
皆坐收其利

貴人豪飲吸長鯨玉盃銀缸醉太平門外哀鴻寒踏雪曉飢曾

否聽聲聲

天以津度戲

不信長安一局棋倉皇劫急迫燃眉今番不死奸人手留得頭

顛付與誰

陳陝西兵變督軍
樹潘贊華命

無計能蘇涸轍魚司農仰屋悵何如一朝乞得西江水又向南

天下戰書

新舊外債
千萬元

雁宕歸來浪放歌餓填溝壑快如何自慚錢歲無長物走傍梅
花七字哦

門人邱震校

卷七

黃巖柯驛賦

戊午元日六十四吟

柯子行年六十四生不成名嗟老至已往光陰不可追將來歲
月皆天賜賜我杖於國願與范增畫奇計賜我杖於朝願與尚
父策宏濟九十能傳經伏生良足異百歲未歸田羅結亦人瑞
我觀古之豪傑士稔知身世蜂蟻寄老富益壯窮益堅游刃恢
恢有餘地問今是何世南北紅烽燧兄弟爭自闕於牆牆外豺
狼更誰制大江東去不復回白日西馳無可繫朝起覽鏡覓青
絲青絲成雪何太易嗚呼青絲成雪何太易恨無魯戈手挽虞
淵墜

次和致伯元日書感

三千丈髮白飛雪六十餘齡東障川對酒空談天寶事編詩猶
用義熙年經翻貝葉招僧話香嚼梅花共鶴穿臘底陰陰元日
霽無邊春色到原田

次和玫伯水曲留題

蓬萊無恙在

水曲又稱蓬萊

兩載未清游鬢髮星星白江河滾滾流

不知仙去否自問老何求安得牆東叟招余隱此樓

偕周慕韓通守王季良博士觀梅於子辛園中留晚餐用

玫伯元日韵贈之

南浮橋裏誰家宅中有高人王輞川幾樹寒梅醒舊夢一杯春
酒駐流年客來花下清芬味月照簾前素影穿似此林園貧亦
樂況君負郭有良田

次和一山左丞見贈二首

奇才自愧王司直伯成拔劍同為斫地歌伏櫪有時鳴老驥着
鞭無路借明駝偷生肯乞嗟來食誓死猶麾反日戈珍重分陰
勤運甕敢將垂暮聽駒過

台山拔萃八同年往事都成過眼烟宿草春生空惻惻宋崇齋

王雅瞻三同孤松冬秀共懸懸著書雅愛金安節謂金性作史

誰憐司馬遷國變後一山猶寄語故人休念舊相逢待過熟梅

天

次和志韶元旦試筆

台嶠多通才君才獨寡二壯歲掇巍科其如暮年躋桑海幾紛

更衣裳猶在筍孤鶴立雞羣文采與眾異北海今遠游志韶寓

誰復知劉備好月幾回圓月社曾否記志韶乃一月社已築獨樂

樓志韶名其獨樂胡騁如組轡尊贈賦歸歟何無張翰思瓦盞哭新

手豈待蕭王至三復元日詩令我仰風義風義莫能名烏識未
建志

輓朱烈婦 有序

烈婦係黃巖潘茂才衡女適本邑下里朱朱耀亭子宮
培甫一年宮培病故越三十五日婦仰藥以殉時光緒
二十九年四月初四日事也其戚邱芾南郎官表其事
以詩徵和

兩大有三綱夫婦貫其中夫死婦不死節固世所崇夫死婦旋
死烈亦大可風嘗讀三百篇周代多女宗節已不數見烈則無
聞焉豈古不尚烈歌詠少流傳抑夫盡偕老無取以身捐不然
采風者胡忍沒其賢此理吾未解蓄疑不敢宣茲觀朱烈婦於
世益喟然君臣可平等父子可平權奚怪夫與婦離合如雲烟
生者尚求去死誰從九泉滔滔東逝水何人不解顛烈哉朱烈
婦一死障百川

申江吟寄贈一山

喪亂南旋棲故林采秀行歌類商皓一畦寒菜一囊詩烏識長
江波浩浩昨日客自申江來艷說申江花月好怪怪奇奇世界
新形形色色天工巧哀絲豪竹交喧闐霓裳羽衣何足道我聞
客言神益傷况有臣靡怒如擣黃河何日清赤眉何人討一炷
心香叩九天一腔熱血濺四表凝為百鍊鋼鑄為三尺寶持此
駕雲螭妖氛詎難掃掃盡妖氛天宇清華頂山頭可歸老

寄懷致伯在滬

海棠睡足錢君行芍藥朝朝綠甲生春去花開饒百媚
得相期醉月共飛觥

哀岳陽示南北軍官 有序

三月間北軍大攻岳陽南軍不支先出示云此次北軍以全力復仇城破必屠居民可盡行遷徙未幾城陷焚掠一空

虎豹不相食哀哉人食人 二句傷時詩 我讀唐賢詩於今益傷神狂風捲地起南北飛烟塵日日逞浪戰日日言和親非本心浪戰殺吾民兩軍爭一城暴骨盈關津軍死分應爾民死冤難伸死者可不問生者何自存廬舍火成墟田園草生春當路萌惻隱有時恤以緡區區一杯水烏能救車薪及此而殫兵已難活枯鱗仍聞諸上將分路翦荆榛

三月初九集九峰祭先賢留贈容垣

自與名山別間花幾度春偶來襄祀典不覺老吟身相識雙飛

燕多情一故人莫嫌行踽踽十子是芳鄰

臨海尹蕙卿來訪奉贈雁游草一帙

風雨頻相思江城春暮時音書三載隔鬢髮兩人悲嗟我難投筆如君可贈詩明朝暫揮手簞笈莫來遲 蕙卿云緩日當來九峰讀書

傷貧士

古人不食嗟來食轉徙溝中意氣豪堪歎今人甘乞食眼中無復見黔敖

三月十九夜夢見先嚴

兀坐蕭齋兩鬢斑元宗無術淚潸潸夜來夢見先君面不撻菜兒亦汗顏

園中芍藥含蕊盈百兒輩灌酒過多損三分之二為之喟然

好花不易種既種厚培護好花不易開未開防蝕蠹二者盡其
力花自徐徐吐吾家芍藥本根亦云固去歲殿春時見者稱
獨步一本開今年含蕊繁盈盈得百數兒曹愛過深一朝成沈
痼我來數花朵強半已非故豈天淫雨多病在樞苗助嗟嗟花
如斯惆悵不忍顧怪底千金子多為樂所誤

立夏前一日芍藥初放一花

春去留春鶯燕譁小園初放一枝花如君風度堪為相歲歲偏
開處士家

立夏日永寧山展墓歸路過親家陳煥南明府墓有感

先朝國運縱淪胥 德廟季年猶可圖我欲告君今日事恐君

聽罷淚沾襦

煥南及於光緒廿九年

速賞花東同人

薔薇紅芍藥白名花競放幽人宅淡雲微雨是何天天公亦愛
風流格排茶甌廠羅幕睇玉容餐秀色獨樂何如與眾樂停雲
默默思佳客客肯來兮我心獲客不來兮心滋戚春去留春祇
此花花時易過君應惜

姊妹花

一春芳訊去息息又見花開姊妹紅安得乘龍好夫婿二喬聯
袂出牆東

卧虎山古墓吟

山下誰家墓墓上多古樹我昔過此山不盡低徊慕今也墓依
然古樹在何處嘯血杜鵑來覆巢烏鳥去嗟嗟青葛藟猶能庇
本根本根不能庇我見淚欲吞死者憑依久悲涕更何論

積雨遣悶

人事欠分明天公不放晴泉聲隨瀑瀉風色壓城傾故國淋鈴
曲災黎露坐情嗟余久束溼假寐到三更

午日漫興

纔過夏至又端陽綠滿林園漲滿塘自愧人前雙鬢白最難雨
後四山蒼詩成都入滄桑錄酒醒猶留餅餌香為念故宮禾麥
秀應無團黍出椒房

黃敕五茂才以七十生辰戊午元旦偶詠諸詩索和為答

長句一首

三十年前試院中與君同號說同宗元緒間秋同號叔當時
各負青雲志此日都成白髮翁噫嘻今世是何世文采風流已
凌替感遇誰揮子昂毫詠懷誰灑嗣宗涕昨日承寄錦囊詩詩
中無限滄桑淚我亦蹉跎六十春唐生善哭徒傷神年年元旦

飛觴詠空中髣髴見仙人仙人勸我一杯酒詞意似諄諄莫學
香山詩句句皆酸辛莫學放翁詩篇篇帶微瞋故宮自禾黍底
須怨美新海國即桃源底須思避秦放眼看青山山骨何嶙峋
舉頭望明月月華何圓勻不見漆圓叟逍遙游八垠仙人勸我
我勸君古無長生藥惟有清六塵

寄題林樸山花萼重樓圖

花萼

陶家菊周家蓮冰雪之姿槩若仙仙乎仙乎渡海去天香落在
嶺南梅麓邊嶺南梅麓邊梅麓山人聞香擷其秀手植居思草堂
前嶺南梅麓邊培以柴桑土灌以瀛溪泉昨夜東風着意催化
為霓裳仙子醉瑤臺綠窗朱戶重重開舞衫歌扇紛紛來笑向
山人勸杯酒為儂繪圖垂不朽

十九夜訪致伯坐未久適子皋扶杖至喜甚歸後枕上口

占

興來獨訪後凋堂何幸吟筇出石房遠道寄詩歌不厭

致伯出詩

唐推初更得月待何妨淺斟美酒陶然醉老插闌花暗自傷

伯一贈水山夜半歸來不成寐殘燈明滅漏聲長

七夕雜感六首

私語喁喁夜未央一聲擊鼓震漁陽唐家自有中興日怕聽宮人說上皇

子儀落魄過銀州誰把英雄物色求何幸駟車來織女一垂青眼便千秋

子厚文章百鍊鋼杜門守拙亦無妨如何欲乞天孫巧翻與閨娃競短長

錦繡江山日待分瓜果底事刺成紋人間今夜多私祝天上雙

星不忍聞

一年一度定佳期玉帝何心待質疑會短離長方永好變星千載是人師

通錢十萬亦無多分謫河邊似太苛想為人間多債帥教看牛女悔如何

七月十六夜致伯招友集飲成一律索和次其菊

中元簫鼓舊承平比戶猶聞諱笑聲如此良宵不易得最難老友復多情尊中有酒朱顏駐林下無塵皓魄清隻手迴瀾應自愛相期家學闡陽明

疊前韻

孤忠願學李西平無奈沙場死鼓聲七日乾坤容苟活一尊風月且移情秋心覺後梧桐落夜氣來時茉莉清似有好音天外

送酒闌應見帝星明

倒疊前韻

豈必中秋分外明
新秋好月亦澄清
初更燈火波心影
十笏園林畫裏情
蘭砌含香蛩欲語
蓮房墜粉露無聲
避秦四皓衣冠古
是夕宿六十四人知否餘年見太平

長生無極瓦歌有序

瓦出西安土中向傳全瓦三歸安吳氏貴筑黃氏各得其一其一為乾隆間錢獻之所得後貽之湯雪樵至嘉慶甲子又為瞿仲溶所得因自號長生今年戊午歐人司愛哈同羅迦陵夫婦合百二十歲適獲此瓦喜甚故愛儷園創辦廣倉學文會秋仲課題有是戲作是歌非譽歐人惜寶器也

女媧搏土作人心良苦黃人緇人善摩撫黃人富貴不須與海上求仙勞漢武緇人貧賤如浮漚同谷忍飢走杜甫咄咄女媧巧作人人不長生怨之府豈意片土落人間陶之為瓦長生無極逾彭祖彭祖商之賢近世軼事難覩縷瓦兮瓦兮吾語汝汝製自漢家汝出於三輔汝清如露盤汝珍如石鼓銅瓦非其倫瑤瓦非其伍當年遇合緣為汝一一數錢獻之首好古湯雪樵次快觀嘉慶甲子歲瞿氏得之不勝其蹈舞日月幾何時胡為又來西方美人所美人介眉春酒香瓦兮瓦兮金玉相為問昔主良今主良來日居停孰短長瓦不能言我神傷大海西流不可止遷其重器寧惟此

聞雪漁目有微疾訪之不見留坐伊家荷花池旋心補純甫責清皆至戲簡雪漁時八月十七夜

聞君病目訪君家會面無緣悵若何門內與誰同鼓瑟池邊許
我獨觀荷旋來三老頭皆白已過中秋月更華寄語相如題柱
者莫將善病任蹉跎

次和南舜譜親家中秋集鑑湖即席感懷

滄桑多故鬢皤然走徧山川老史遷雪爪東西鴻四散

去年中秋人天光上下月重圓雲生喬渴飛何處

人去程鄉望若仙中秋前我約來年上巳節出游當掛杖頭

錢

九日集九峰東同座諸公

纔過中秋又重九奚囊添得詩幾首中秋未放鑑湖歌重九來
飲九峰酒酒中之興固雄豪酒後之言莫開口雖然我有萬古
愁平日蓄之蓋已久及此不高歌何以質老友黃矣開國四千

年兄弟闕牆亦時有長槍大戟取宮中何嘗傾筐倒篋購之四
裔手異哉五族稱共和壯士不向天驕走但走湘閩川陝間龍
拏虎鬥決勝負一戰果勝齊破產甘心受嗚呼西人和議行將
成東人狂濤時怒吼衮衮諸鉅公何不恤其後貯嬌一擲十萬
金介眉三呼八千壽天上酒星共天醉人間鬼火照人黝吾儕
無地可避災惟有九子峰頭傾一斗

偕家心補公至同嶼修譜適社廟演劇

自從城南去故鄉每逢佳節便思量十年林下經三到笑看人
家款客忙歸自乾州至同嶼

訪蟾嶼陳淨塘茂才與其弟旋右相見歡甚留贈二絕

一路秋風晚稻香青衫烏帽覺微涼回頭四十年前事山色依

然兩鬢蒼是時山東殿演劇余往觀

自愧平生踏雪鴻爪痕無復記西東故鄉老友今存幾七字哦
成意萬重

偕家心補公宿嶺頭堂題壁時九月十四早

四十年前此讀書浮生若夢共歛歛雪中遺爪幾人在月裏煎
茶舊主無四面雲山仍省識一燈風雨頓成虛春蠶未死絲難
盡忍學黃冠水竹居

見園中菊紅者先開感賦二絕

與君契闊正相思何幸秋期歸未遲一度相逢一度老可無尊
酒醉東籬
且向東籬酌一卮朱顏鬢少年時較君生小媽紅色好醜分
明但自悲

戲贈友

夙緣果否繫紅絲真相除非月老知君有佳兒當有婦合昏花
好不嫌遲

友人乞菊花贈數種并滕以詩

自笑年年苦壓金高山流水少知音至今上客垂青眼羞慙東
籬愛護心

偕致伯益敷子辛至九峰看菊致伯成二律索和為和長
句一首

去年約看九峰菊惟我兩人清興足謂與致伯今年有約得重來何
幸四皓衣冠續昨聞兒說菊大開九峰兒館相期翼日快寓目天
時人事兩不諧子辛累於事遲我三朝訪林谷林谷攜手重行
行入門先見柏與竹孫公祠裏十笏園朵朵名花含芬護中央
之花正色多黃者如金白如玉四圍雜以間色花嫩綠媽紅紛

簇簇九華一種最清奇元亮當年深悅服嗚呼元亮今去矣吾
儕到此亦不俗何不脫却小烏巾且抱百壺濁酒漉

前題次致伯韵一首

早起開窗見曉霞焚香先自誦南華間行不假藤為杖晚節方
知菊有花愧我餐英非屈子與君訪舊是陶家傲霜天賦稜稜
骨遑恤西風暮色斜

望日與叔銘公俠叔晉重來九峰看菊則花半謝矣為之

喟然

前度看花花正開至今花謝半成埃新霜兀傲枝初瘦舊雨相
知客又來十笏小園權作主百壺濁酒莫停杯祇嫌未共牆東

叟伯為話秋容第一回

次和揚給諫陽月生辰自述八首

自別南陽又一年寄商游草思絲絲草曾奇雁相期來歲三三

節鑑水同乘天上船

崇雅堂中難飲河不圖偃鼠既餘波承贈崇雅堂集鴻文已入滄桑錄

莫怪堯天懶出窩

仕優仍讀十年書東觀西臺接履趨老作散人歸故里米家書

畫賀家湖原詞有中未

王官谷裏喜論文表聖何知暮色曛曛或謂有詩微和十月陽春

無限好梅花香護嶺頭雲

經濟文章兩欲兼龜山素志本非廉至今醒却邯鄲夢騰有新

詩昔昔鹽

喪亂歸來雪裏鴻題襟有集半文中伯年來余與昨朝遞到驚

人句又見滄江一放翁

七日乾坤亘古稀鸞凰何處可高飛一杯且向南山酌即是莊
生杜德機

香山老去以詩鳴能使雞林賈客驚愧我不才頻學步躋堂無
句可稱觥

玩齋中菊偶感

歲暮披裘尚覺寒亭亭玉骨傲霜難十年林下親朋少交淡如
君影不單

偶卜行藏得升三爻口占紀之

神州多事日烈士未灰心何日升虛邑天門掛劍吟

夜訪張撫甫明經論詩久之歸後率成二絕以贈

不遇風人不論詩詩中有味最難知未能會意酸鹹外皮相多
貽識者嗤

麟閣功名是賞詩唐賢妙悟不余欺唐人骨體家自有麒麟周

郎能顧曲中誤何不高歌白雪詞馮善和詩

湯令贊清紀念碑被毀感賦有序

湯令泣黃三年平情而論小有才未聞道者也去後邑
紳為之建紀念碑於縣署輿論譁然逾年邑人某諧諸
英領事謂碑中語不無詆毀洋人英領事遂迫上官下
令毀之亦可笑也

何見立此碑何聞而毀之立此誰主辨毀之誰總持毋乃假公
者陰以濟其私噫嘻衰亂世雨雲翻覆奇靜者觀細事大局概
可知

歎老五首

綺歲從師苦日長老來曉起即斜陽小園花木歸來種又見成

林綠滿牆

歲晚園林夜有霜曉來驚染鬢絲蒼相知賸有東籬菊淡淡無言晚節香

自憐衰白草棲塵長使田橫客笑人錢歲年年祈速死撐犁何故眷遺民

床頭但積導行錢騎鶴何人不上天范叔一寒今至此緋袍那有故交憐

學書學劍兩無成尚父陰符不易精天假吾年重學易孔思深處見周情

歲暮雜感六首

月華霜色冷凝眸四壁蟲聲淡欲流夜半燈花知我意向人不忍遽低頭

小憐歸去袖生香又見徐妃半面妝我亦梨園舊供奉曲中怕聽唱霓裳

一瀉黃河何日激唐生無路哭昭陵當年石馬能平賊今日王孫已作丞

大人八部馬蹄停蝸國纖兒醉未醒今日南高北不下為爭地勢亂天形

取麥取禾周輔弼竊弓竊玉魯陪臣何如天上飛來將攫得多金技更神

同袍結社仿連雞滾滾風波起惡溪昨夜鱷魚聞遠竄不知誰作韓昌黎

壽魏母王孺人七十

男兒果欲壽其母當思為母爭不朽衣德能流百世芳介眉豈

待三觴酒義熙以後多達官達官紛紛為母壽幕中枚馬工掄
揚不是宋歐即唐柳豈知列女傳中人賴有家駒垂永久不然
畫荻與丸熊未必賢愚不去口況乎善頌善禱詞當時即已覆
醬詆壽母自少遭亂離荆天棘地徧奔走及笄而後賦于歸孟
光喜得梁鴻偶顧念外家鮮兄弟迎養衰親報高厚衰親後先
相繼亡獨夜哀號呼負負中歲不幸喪所天海枯石爛甘心守
膝下賸有兩孤兒青燈夜織循循誘戒之用休董用威時把夏
楚示座右果也孤兒克亢宗少日親師長取友先習儒家後法
家歸來敬向母稽首母問後此將何為兒言不彈貢禹冠不結
長沮耦願學漢之于定國長為寃民代分割母曰古人不易為
而者莫輕受茲再申一言親故之家勿攻掊吁嗟乎今世法家
咸如斯何至白雲變蒼狗母乎母乎言由哀來兒服教五年無

大咎無大咎母樂否我今登堂有一觥更願華華雙丁慎其後

壽林璞山明經六秩晉一

自我喪亂歸故里鬢毛歲歲霜華起林下長為老懶人眼中幾
見孤高士憶昔遁仙渡海來兩度訪我草堂裏草堂少坐生光
輝叔度汪汪差可擬前游西子湖碧波瀲灩濯其滓後游華頂
峰天風浩蕩清其耳山水之間撲俗塵長生注籍或在此笑我
未一附青雲老作枯僧良足恥春間默庵之申江君又訪舊舟
向申江擬臨別殷勤重寄詞望風懷想徒翹企四千里外音問
疎昨忽飛到朵雲紫我展朵雲誦一回光氣熊熊難逼視視君
為經生箋經何嘗鑽故紙視君為道學講學何嘗泥前軌著書
博采天文志讀史窮極方輿紀溫衾扇枕老人歡典衣賣車貧
交喜嗟嗟今之世靈光何處是晉室河山風景非漢家關塞鼓

聲死男兒衰白不成名安得魯戈回日駛不意庾嶺梅花開人
說猶龍有老子老子大年無盡期春酒一觥自今始

哭內弟朱維卿

離焉相依四十年老來生計共蕭然田園日蹙愁諸子修脯無
多歎一樽暢叙幽情春酒裏君夫婦生辰祝間談危局夜燈前嗟
余未死君先逝晚歲艱難更孰憐

壽褚九雲明經六十雙慶

二十年前未雞歲與君同應明經試當日君懷破浪心我亦自
負凌雲氣輪蹄僕僕為飢驅歲月悠悠驚水逝名士偏為入幕
賓九雲曾院散材亦作抱關吏徐中食一自喪亂歸故山老
色蒼然逼人至眼前憂患紛紛來我悔生平粗識字聞君矍鑠
富著書夜燈仍是兒時味去年示我夢我詩詩中不盡王褒淚

今年貽我滄桑錄錄中無限吳萊思

去夏有先嚴百歲詩和
今夏有石橋潛書見贈

披讀劉京一紙書謬獎才名竊自愧吁嗟乎男兒上既未能麾
魯戈手挽虞淵紅日墜下又不能狎狗屠猪博酣嬉共天醉窮
年兀兀長鉤提不識昌黎是何意雖然古者三不朽立德立言
居其二至今滄海日西流波瀾請雲詭斯文替尼山俎豆行將桃
洛社衣冠渺難繼不意魯殿有靈光歸然特立天台地天台之
山高何如微君大年誰能企噫嘻微君大年誰能企況有德耀
齊眉主中饋

大雪歌次放翁韻

昨日作雪今大雪莽莽遙空飛鳥絕萬派長江凍不流四山喬
木低如折莫年烈士蒙茸裘劃然一嘯登高樓樓上難窮千里
目騎驢直向灞橋游灞橋舊路迷不得熱血飛灑雪花赤矯首

四顧發狂歌聲驚破昭陵石昭陵黯黯不忍觀夜半歸來雪
滿鞍范叔一寒今至此目中却自無餘子

輓程梅卿

修禊行春憶去年與君同放鑑湖船銅琶鐵板東坡調紫蟹銀
魚北海筵回首舊游疑一夢驚心老友去重泉程鄉宿草青青
未忍讀題襟集裏箋

代岷兒輓門生陳志華

男兒浮世原一夢生寄死歸何所痛雖然死者大解脫生者懷
舊不覺慟君本家君門下人孔李通家為伯仲去秋我來九峰
山君又問字殷陪從大義嘗披夏氏編生喜看夏伯定良知慣
闡姚江統統何期判襜未經年悲風一陣從天送嗚呼
長吉囊子淵卷古賢短折恒如斯憤憤天公誰敢訟

臘月廿六晚天又大雪再次放翁韵作歌

積雪不消今又雪鶴語堯年聲亦絕寂寂荒郊菜色飢亭亭瘦
骨梅花折遺臣未典驢驢裘澆愁權上酒家樓座上客滿無餘
地訪戴還向剡溪游剡溪多盜行不得眼中藍樓偏蒼赤我欲
解衣衣無多浩歌喚醒巖巖石石性冥頑默默觀伏波何處馳
征鞍乾坤殺氣已如此圍爐張宴誰家子

廿七日早錢歲

來如佳客去如川草草光陰又一年早起安排蹄與酒酒中和
淚送君旋

卷八

己未元旦六十五吟

黃巖柯驊威

柯子行年六十五去年曾較前年苦不知今年復何如翹首問
天天不語風色蕭蕭入戶來雪花片片當窗舞我姑大醉一壺
酒短衣去獵白額虎老虎僵卧雖不動徒手安能逞其武散披
醉髮立寒郊放歌如擊禰衡鼓禰衡鼓聲非正音漁陽一槓却
千古曹瞞雄略今世無鄭五朱三何足數探丸斫吏不可為投
筆從戎空自許君不見長庚白樂天作詩好作新樂府覽者如
見其肺腑

元旦大雪歌三次放翁韻

半世棲棲鴻踏雪元旦大雪我叫絕投筆問天筆花飛拔劍斫

門人邱震校

地劍鋒折元龍僵卧愁委裘每從高處問瓊樓瓊樓寒甚不堪
問出門快向九峰游桐帽捺鞋行得赤心不見楓林赤乘興
而來興盡返浩歌題在朗公石短長付與後人觀應有虬髯駐
玉鞍阮狂稽憤類如此藏頭膝間豈男子

次和致伯元旦大雪

年少渾忘歲序遷老來怕見日周天鴻飛不記東西爪鶴語猶
思甲子年六出放花知有瑞一壺促膝歎無緣梅梢寒重低如
折雙鵲飢時怯樹穿

初二日雪更大倒次放翁韵四作歌

昨夜論詩示諸子不意今朝雪如此我雖矍鑠能據鞍地老天
荒不忍觀醉後狂題鬱林石一腔熱血噴其赤赤血和雪筆花
紅大叫墮憤意亦得何必驢向灞橋游因風聞笛哀歌樓何必

舟向剡溪訪呼兒換酒脫霜裘一樹梅花依可折古香老色兩
清絕曉來詩思被梅催況有九子峰頭三尺雪

壽家兄輔殷七十晉一

吾兄行年七十一向平之願都了畢有子遠自太原歸春酒一
觥香四溢我飲春酒樂陶陶祝嘏慚無五色毫回頭應溯平生
事消長髣髴錢塘潮我父刺股如季子何以明經至老死我母
翦髮如湛氏何以齎菜而沒齒 穆宗御宇壬申年兄弟同歌
采芹篇當時兩親各拊掌庶幾雛鳳飛冲天豈意棘闈多蹭蹬
年年課讀坐青氈青氈兀坐非長計元方佐戎頗得意

兄曾游
幕大椿季方擔簦游武林歸來亦食天家餼無何老樹摧靈椿春

露秋霜淚滿巾半生歲月驚飛電萬卷縹緗莫療貧兄以學醫
雖小技苟精其術亦有濟我以作吏非所宜能盡吾心可無愧

救人救世本初衷伯仲堯麓一樣同抄方綽有忠宣味攬纒依
然孟博風吁嗟喪亂經八載河山風景朝朝改長安銅狄何人
摩魯殿靈光何處在羨兄膝下有佳兒萬里言旋賦介眉我寄
兒書兒未報天涯望斷徒生悲中年手足同艱苦長公晚歲獨
多祜卯君矍鑠雖如恒子由生於卯君余生乙卯公無奈飢驅類老杜
井伯七十之強秦懷抱利器終得伸尚父八十逢知己運用陰
符妙入神丈夫時命有通塞北冥鯤潛誰能測待我手揮魯陽
戈為兄更返虞淵日

壽蔡子慶太學七十雙慶

去年我壽月河叟

揚旼河字給鍊晚

十月小春詩八首今年我壽

恒園主八月中秋又又手月河老叟魯靈光杜門喜種當門柳

恒園主者陸散人

子慶有園名曰恒園

掃愁惟有掃花帚靈光碩望固歸

然散人高風亦罕有蓼莪惻惻悲無父荻訓懃懃知有母中年
哀樂雖傷人晚歲倡隨偏得偶秋末菘春初韭秀擷園蔬悅我
口月下僧花間友高談元理洞其節一卷黃庭一炷香曾襟蕩
盡纖塵垢詠懷但賦嗣宗詩留客慣斟文舉酒酒興雄豪詩興
高眼中髣髴無陽九陽九厄運天將回不見河清不為壽壽如
梁孟當見之我更登堂傾一斗

子辛有二杏玫伯乞其一子辛感賦一絕次和

不有蒔花妙手工一花安得嫁牆東政伯願其所居君家枝上

春猶鬧懷舊何須賦比紅

輞川館裏故人來輞川集館中攜手看花笑口開豈意紫雲從杜

牧別時淚滴玉堦苔

聞雪漁歸里養疴晝夜居內未便造訪戲贈

一年佳節近清明
悵望秦淮別緒生
正為閒居愁子敬
雪漁賦
豈知善病返長卿
荷池垂釣春三月
雪漁有荷圖
綺閣調琴夜幾
更欲訪故人前且却入門恐惹細君驚

懷一山在滬即用一山題後凋草堂韻

朝暮移山誓手成
豈惟詩品擅鍾嶸
法藏書來詳論
昭陵黯黯孤
雲擁詞苑蕭蕭一
鴉鳴正學克傳差
自慰中原多故更
誰清魯陽未反虞淵日
海上何妨面百城

同州嚴蘊初茂才游幕乾州與余甚契別後不通音問者十年忽以書來作函答復因贈一律時三月十二日

欲訴孤衷但贈詩
詩中有恨更誰知
老來衰病誰能却
亂後遺黎儘可憐
潭水汪汪三月裏
斗山悵悵十年前
神駒得意當迎養
花縣重逢話夙緣
四令補子以知

吳月橋明經余兩世通家老友也每來城必過訪暢談感其情至書此贈之

君年六十八我亦六十五
兩人近古稀往事何堪溯
溯當同光朝應試不時聚
一自科舉停書生不出戶
雖隔數十里訪舊猶嫌苦
昔我賦歸來親朋半作古
死者長已矣生者亦深阻
寂寂翟公門羅雀與誰語
惟君念故交玉趾慣親舉
一見一開顏家國從頭敘
哀樂皆真情意到便傾吐
坐處暗聞香別後空延伫
嗟嗟君子交信非俗人伍

次和喻器成十一月初度偶成二首

霜鬢青鞋意興悠
養生得主是莊周
詩成調叶紅牙板
茶熟香浮碧玉甌
獨坐山中忘歲月
誰言皮裏有春秋
器成性非能
來無限烟霞趣
可有松喬許結儔

十年喪亂漫天霧，一個閒人逐水鷗。豈必興來杯在手，明知老去雪蒙頭。厚培桂子香如許，笑索梅花韻欲流。別後朝朝勤掃榻，元龍何日下高樓。

壽王紫珊七十

嬾禪居士我老友，其月旦評聞之久。昨日訪我草堂中，為言邑西寧川有一叟，平生行誼亦猶人。與貧者交道頗厚，時或周人急，分財不吝其所有。時或恤人飢，嗟來不覺其難受。暮年有子為達官，鄉人甘心作下走。叟也由由與之偕，袒裼裸裎不嫌苟。今年已屆古稀年，乞君大筆為之壽。咄哉嬾禪不阿好，茲何津津出自口。果如斯言仁者流，妻賢子貴良非偶。我雖不工詩，不嗜酒，且擘一箋傾一斗。

清明節至同龔展墓歸後示諸子

流光荏苒春三月，踏青又是清明節。當門楊柳碧垂絲，滿院梨花白飛雪。回頭半世為飢驅，春露秋霜負負呼。四年薊苑沽錫粥，在涼州三載乾陵聽鷓鴣。州食三自從掛冠歸故里，青樓坐破蕭齋裏。暇日卒卒無須與，先人墟墓幾長跪。今年乞假一星期，子婦同行盡日隨。水色山光都入畫，棗糕麥飯只生悲。吁嗟乎，高曾祖禰一杯土，歲時野祭復何補。倘教古墓犁為田，死者有知應痛苦。今我蒼髯一老翁，還有幾度拜青楓。為望兜曹善繼志，歲歲增高馬鬣封。

立夏前二日園中芍藥初開

君去君來又一年，相臣風度舊翩翩。嗟余亦有和羹願，閒對名花思悄然。

獨坐薔薇花下有感

花王花相艷爭春上客紛來顧盼頻太息此花紅不俗窺園惟
有主人親

愛貓吟

詩有鄰人語
數日仍歸吾家
貓捕鼠作是
吟在

汝本一微獸所望惟捕鼠捕鼠汝所長食功誰不許西鄰假之
去寧肯薄待汝汝何亡在外一心歸故主噫嘻故主家貧甚何
所取老奴不相識舊姻不我與舍中無舍人鬱鬱與誰語獨汝
顧前思離我如失怙栖皇數晨夕飢餓不嫌苦一朝返柴門鬢
鬢慰陟岵嗟嗟獸如斯人可不念父

園中芍藥盛開致伯子辛來賞賦此索和

獨坐小園旁何來兩老友呼兒烹新茶權當一杯酒清風徐徐
來妙香覺時有風清香亦清得此良非偶偶賞花中相又見牆
東叟一時二難并狂歌開笑口如游資福寺六根淨無垢如倚

沈香亭百卉瞳乎後吾儕非錢鏗安得千歲壽今日不賞花花
寧笑我負來日便無花欲賞其悔否

送致伯游泰山謁孔林並簡同行一山樸山

家住天台雁宕間幾回着屐訪鄉環不登泰岱難觀止為拜宣
尼敢憚煩展禮神游周俎豆得詩痛寫晉河山三賢倘與兩生
遇莫話朝儀空淚潛

偕王叔鳴王伯魯任植生游鑑湖時四月二十日

一度來游一放船烟波無恙歲華遷菱花着雨平開鏡荷葉披
風細疊錢上面不須愁老色洗心最好的清泉我非賀監湖難
乞但願年年步酒仙

三君
名善
云

叔鳴以感懷疊游鑑湖韵見示疊韵答二首

桑海沉浮一葉船手無尺柄可籌邊據鞍意氣寧忘馬賜券勛

名尚憶錢登隴痛鋤非種莠緣溪喜見在山泉南華深處偶焉
得生作莊周死亦仙

滾滾西來橫海船神州無計可安邊侏儒作相惟知肉亂代為
文不值錢神器未能歸白水夜烽生看到甘泉回思天寶霓裳
曲豈獨傷心有謫仙

午日書感

掛冠十載海成桑麾日無戈愧魯陽鎮惡不生誰滅虜靈均雖
死亦流芳荒亡世界笙歌盛清白家風麥飯香醉後漫教枉拔
劍恐驚奇鬼走殊方

次和叔鳴五月初四歸家途中遇雨感賦

戎車羽檄四郊馳城內笙歌徹夜時得見龜年春已去不誅虜
父難誰知石榴非種烘霞早張喬使西域還得安石榴芄黍將花得雨遲來

日天中佳節改至陽曆六月十八日早勸君莫作詠懷詩

哭伯姊

故山歸隱髮成斑每一相逢驚淚潸欲問水濱長避債所坤為子

初幾投水死強留餐飯不開顏投水後數日至老來豈意身無賴死

去應憐我亦艱今夜泉臺見母氏尚期少諱兩兒頑

為抵制日貨七月朔偕同人赴海門開六邑聯合會初三

夜大起焚商店百餘間感賦

番舶蠻琛兩岸陳玉樓金屋六街新店奇有貨都生孽曆火無
家不積薪欲塞漏卮嗟已晚况除互市議非真昊天方蹶人長
醉輪奐年年付劫塵

贈園葵

荆天棘地野花紅禾黍何人念故宮終古神州無二日莫忘衛

足向瀛東

次和林樸山登岱歸來二律

放眼小天下撐腸沈百城四賢霞客健同游者有一伯翰怡雙屐謝公

輕嶽色吞無際河聲聽不平田橫去千載重見魯諸生日為

有高等小學

前度陟華頂天難聞空中何如封禪地猶見漢唐風兀傲青山
骨逍遙白髮翁愧余如老衲枯坐梵王宮

謝樸山贈友聲集

秋日老懷清健詩報鳥聲題襟多老輩游草見平生挑水深千
尺梅山隔萬程何時渡南海攜手聽嚶鳴

題謝展甫茂才亦樂園

聞昔司馬公有園名獨樂獨樂者何在在心無愧忤抑或愧於

天天君何所託俯或忤於人人籟何由作嗟嗟古聖賢磊磊復

落落悠然大海龍矯若雲中鶴温公間世英原非耽邱壑其時

朝政非掛冠而歸洛洛陽多名園至今誰探索耆英去渺渺遺

韻滿林薄君家有達人曾襟亦開拓才如東山奇學如西臺博

氣如宣城道性如上蔡躋維彼四君子終古豈寂寞願君振宗

風昂頭天宇廓不種東陵瓜不賣長安藥微和原約有冬宜種

幾十笏園千歲名炳燦名百家恣沉酣六籍細咀嚼樂趣尋孔顏日修其天爵庶

幾十笏園千歲名炳燦

題徐竹坡茂才壽護圖

台州孝子共十五尊鄉錄中可歷數大都遭遇亂離時母子備

受人間苦如宣德中臨海江仲明黃藏余等嗚呼百行孝為先

胡天時亦靳多祐異哉君家有慈護護花時時祥光吐寸草留

春繾綣心彩衣娛老婆婆舞八行先生世澤長至今猶見蘭坡
補嗟余失恃已廿年三復蓼莪淚如雨劬勞未報忝所生明發
有懷與誰語願君愛日追前賢一圖庶乎傳千古不然徐黃揮
毫楮元白題樂府當時座客爭快觀異世何人長摩撫况我已
人下里詞即善頌禱奚足取

與子辛生南浮橋玩月

月正當頭秋正高放懷天外坐圯橋吾生夙負澄清志可有仙
人贈六韜

先慈楊太宜人忘日書感

送窮無術但安窮養薄何能使祭豐老作書生磨鐵硯九原應
亦憫愚衷

八月十二夜許詠九明府集同人於百花宮賞月余因酒

淳大醉醒後簡同座諸君

禪房花木最清幽夜飲何須秉燭游天為浮雲避見月我姑大
醉促封侯仙人斤斧千年幻故國河山幾度秋莫學七賢徒放
浪同座至今滄海日西流

中秋揚給諫招游鑑湖偕致伯益夫同去率成一律索和
山青水碧月華鮮一歲閒人兩放船浮世光陰疑過客良宵風
露似前年瓊樓高處羣仙冷畫槳歸來六逸全同人舟聞道西湖
今昔異此間何幸洗腥羶

前題次致伯韻

欲賞中秋何處好與君放棹到湖濱多多天上今宵月落落尊
前舊雨人良會重逢疑是夢長空一色得非真沿村亂耳無絲
竹風俗依然太古淳

壽毛子綸年伯九十

好山好水邑之西天然圖畫黃巖溪兩山夾水地多竹竹林深
處高賢棲高賢抗懷黃農世心齋坐忘養木雞九月黃花香晚
節一尊綠酒見天倪憶我壯時遠負笈情話頗與小毛愜霞郡
書堂鼓篋歌武林講舍披襟蹠小毛告我克家難家法森嚴人
悚立大父不忍撻及門吾父分過如不及大父有時讓家人吾
父引慝殊汲汲深相友愛如田家荆花含笑墮荒洽永言孝思
如王褒蓼莪飲泣裳衣溼鄉鄰鬪者忿難捐排難解紛師仲連
親故貧者喪未葬停舟贈麥學忠宣自我奉檄到江右寄書誥
誠詩百篇臨川土風最敦樸允我迎養娛餘年日抄性理不辭
倦一聞鞭扑便生憐吾父吾父仁者流純嘏庶幾錫自天我聞
斯言初疑過由今思之疑悉破古人曲雖高今人豈難和粹然

養太和福壽從人作作不然耄而門祚衰縱享高年何足賀
賀公身康強明王行稅駕賀公子逢吉孫曾又滿舍我欲登堂
備一觴無奈才非陳驚坐可否拜賜天上桃俾我得補山中課
見園中菊金背大紅先開得一絕

連夜西風百卉凋渾身金紫下天曹此花原是不凡品晚節相
逢興更豪

九日集九峰次致伯韻

雨餘山淨淡雲浮無限詩情赴九秋一路履聲猶在耳千年塔
影舊當頭東籬花好憐人老西澗泉清為我留亂後登高瞻北
極席前有箸請君籌

報載五星聯珠占者謂有聖人復起閱之欣然

五星珠耀海天東赤帝旌旗轉眼紅十載待清人未老相期投

筆立豐功

與族弟肯堂茂才賞菊園中時九月十二夜

月白風清夜色涼
開軒一嘯菊花黃
魏公老圃今無恙
坐久猶聞晚節香

壽王郁香茂才八十雙慶

未油麥秀風濤吼
沉沉大陸龍蛇走
視蔭都偷一息安
介眉爭祝千春壽
達官借此進苞苴
四十五十開筵久
右相冰山轉瞬
空長安銅狄何人扣
自我掛冠歸故山
黃髮皤皤幾老友
老友如君可杖朝
至今盈廷皆黃口
誰非三歲翁西語云三歲誰宴千家叟
稿餘八十壽生世不逢辰
君能味菘韭間坐讀書堂
慣執埽花帚寸草報春暉
九重旌節母更為大母建一坊
兩世徽音垂不朽
伯鸞古之賢
况有齊眉耦康強
逢吉錫自天
邑中茂

才瞠乎後祝君多壽壽无疆
行見明王就座右

為先嚴慈營窆於羽山并附余夫婦生壙紀以長句時

十月初六日

狂風捲地號豺虎
祈死不死范文苦
生世已負七尺軀
埋骨何須一杯土
先人即世幾春秋
淺土停棺儘日愁
一窆墓田何處卜
羽山山後有高邱
羽山是我發祥地
蔥蔥鬱鬱多佳氣
清明寒食懷先塋
一回野祭一回愧
他年我葬此山中
知否三閻鬼亦雄
自信肝心不即化
或可凝結生長松
長松千尺蔭千畝
濤聲夜夜作雷吼
魂來一嘯四山青
到處龍蛇駭汗走
吁嗟乎生不能如褒公
鄂公英姿颯爽圖凌煙
又不能挹浮邱袖拍洪崖
肩飄然羽化而登仙
試矯首試問天王官
谷裏今題句司空表
聖何年住

與政伯赴北鄉路頭方沿江而行復過一渡得二絕

山容如睡水容清村落蕭疎畫不成我坐筍輿多桎梏何如農

父荷鋤行

酒闌客散夕陽明朝落波澄兩岸平歲晚扛梁都未就可無一

葦濟羣生

哭伯兄輔殷

暮年同產僅三人相見頓驚白髮新春暖清明曾促膝霜寒長

至頓傷神浮生如夢兄安在祈死無靈我不辰近作和詩詩尚

好兄近精神似未衰息息捐館是何因

自徙南城逾卅年今光緒丁酉年陟岡瞻望思絲絲夜寒

孤擁姜家被世亂同藏祖氏鞭正月稱觴欣上壽重陽聯句數

無緣重陽因事不果冬蒸不獲襄祠廟遺憾應教到九泉同與祠

大至日送象主人於

壽衡陽王星亭都戎八十

大地山河都錦繡衡岳湘江最神秀咸同喪亂次第平曾彭

李厥功懋六十年來梁棟摧魯殿靈光何處覩衡山之陽有耆

英康強達吉自天佑少苦家貧未讀書壯嫻技擊思平寇有母

難絕裾學稼敢云陋有婦能養姑從軍不嫌驟顯親而揚名內

省已無疾歸田早學疏教子勤師竇嗟嗟竇與疏未必如公壽

公今可杖朝朝臣矐乎後待我七十有五齡為公更侑三觴酒

是時鏡砥清且平室中當有明王就

歲暮浩歌行次白樂天韵

漫漫長夜何時畢東方不見矐矐日觸蠻鬪者盈萬千山林作

者豈六七我聞五星聚今年中西占者都欣然沛公果是能除

暴商皓何須復汗顏歲寒松柏寂如故呼余起起在何處長卿
非羨高車貴桓公但惜分陰去去如百川赴黃河河清難俟長
奔波安得王路平如砥奇巒怪岫消嵯峨安得寰海澄如鏡蠻
琛番舶來謳歌世人笑我太癡絕我笑世人食肉多君不見祖
生聞雞夜起舞舞罷劍花紅如何

天台袁夢枚有四十感懷四律仙居楊俊甫明經函來為
之索和兼示和章率筆酬長句一首並簡俊甫與王鹿門

同年

壺匏散人我老友後補別別來一瞬廿年久回思壯歲馳名場
震郡武林頻結綬一自朝廷科舉停書生杜門都株守子猷訪
戴憚於行慈明御李更何有昨日飛來一紙書書中貺我詩八
首作者之詩鳴不平大弦小弦絲絲扣和者之詩暢所言大珠

小珠盤中走敢云白俗元猶輕誰謂王前盧當後丈夫不詩
不工天公憤憤誰能咎君不見三唐詩人稱李杜李杜室七嘯
飢婦又不見兩宋詩人稱蘇黃蘇黃老作喪家狗吾儕生更不
逢辰天荒地老危陽九世間多少白丁人金印煌煌大如斗世
間多少鴻博儒衣襟穿結寒見肘我生行年六十五宅邊賸有
五株柳子昂感遇歎知稀嗣宗詠懷傷寡偶何期烹鯉得瑤章
其味醇醇皆可口勿云子固不能詩此詩只可覆醬瓿他年更
上一層樓南峰三賢庶不朽後補南峰吟社

立春歎

噫嘻今日是何日家人告我立春節不聞立春當迎春天子首
為百官帥鸞輅倉龍汗漫行翠華芝蓋參差出三公九卿會風
雲百辟羣侯齊黼黻已而天子還明堂布德和令禮乃畢茲事

不獨王畿然郡縣牧伯疇敢失憶我奉檄到關中下吏何足言
平秩惟此東郊迎東皇朝衣朝冠慄齊慄喪亂歸里幾何時漢
官威儀都消歇青陽左个黍離離太史先期誰來謁先農壇上
草萋萋同朝過此誰翦拂但聞編戶爆竹聲髣髴古風猶未泯
嗚呼先王祈穀以為民民國何妨循其轍

歲暮大雪子辛蓑笠來訪遂與策杖叩後凋草堂致伯喜
甚留飲成一律索和次其韻

莫將數典歎迎春昨夜天公洗劫塵涉雪先來王孝伯扶藜共
訪顧寧人寒梅修竹堂中友野鶴閒雲世外身倘有畫工圖韻
事一蓑一笠亦生新

門人邱震校

卷九

庚申元旦六十六吟

黃巖柯鮮威

柯子行年六十六梁父孤吟坐茅屋青箱琅琅不值錢白日短
短如飛轂去年五星成聯珠僉云剝極運當復至今美人在何
方山榛隰苓空睇目我非李嗣源也作焚香祝我非賈長沙曾
為揮淚哭哭復哭今年復年抑鬱傷人華髮禿何如學向平道
入道遙谷朝逐華頂雲暮宿龍門瀆吞湖光吸山淥一卷黃庭
隨意讀興來飛上大羅天飽聽仙子霓裳曲曲終回首看塵寰
泱泱滄海桑田綠

元旦即事

去年元旦雪霏霏今歲何來雨溼麻老子不堪聽古樂兒童都

自試新衣鏡中衰鬢青難再園裏佳蔬綠漸肥安得天公快開
霽出門一嘯破愁圍

次和致伯元日

壯哉飄零陌上蓬暮年歸隱舊牆東致伯自號爭梨奪棗共和
世冷醉閒吟處士風愧我未能狂斫吏如君合許放名翁三千
丈髮年來白竊喜丹心耿耿同

元夕偕致伯益敷子辛季球觀燈又至大寺巷看北軍演

劇

聞道崑崙不易攻狄青張宴奏膚功棘門軍士渾兒戲扮社笙
歌非土風月下鬚眉吾輩白燈前顏色波姝紅今年佳節今宵
好爭奈中原夜有烽

寄懷曲阜孔厚庵太守

璜姓家書中附來太守一函寄詢起居

別來人世幾心桑歸田園各一方魯壁豈無絲竹韻台山還
有歲薇香自許御上兩緣淺為念知劉意興狂十四年間離別
緒已隨宅畔柳絲長

寄懷慈溪陳瑤圃侍郎

記曾奉檄赴關中說項多情被惠風三載素餐慚故舊十年高
蹈老英雄殷示周秦今何世東廠西廠此是忠他日鼎湖龍再
見徵公誰作大司農瑞非

一山左丞有和我飛字蓬字韻二首復次前韻戲贈

遼陽久戍怪雲飛惆悵蛾眉畫掩扉關月蕭蕭懷故劍邊風獵
獵望寒衣機頭越女絲應織塞上胡兒馬不肥試看天驕南北
裂漢兵詰旦出重圍

豈無膏沐首如蓬為念空房伯也東玉杵幾回敲夜月羅幃儘

日礙春風可能音信通夫婿休把癡聲說太翁會待封侯歸故里一番醉笑一懼同

春間為纂家譜卒卒無暇偶來窺園見落英滿地默然有感

一春困如讎花信都不記得間偶窺園殘紅驚滿地牡丹稱花王非復昔富貴芍藥名花相無奈今憔悴嗟嗟物如斯人亦何足異異哉涉沉沉黜頤長得意九載績勿成千日酒仍醉譬彼園中花節屆春之季無力強枝梧搖搖渾欲墜一朝風雨來落英滿林際借問君家帚可能掃花未

余纂修家譜另分家集五卷心補公慮後人惜費以集非譜比既有成本或不重印久之必亡則反不如譜之垂遠爰賦長句以告來者

噫嘻今世是何世爭梨奪棗自為計周孔遺書可盡焚歐蘇宗法誰為繼痛哉生世不逢辰十載林居難避秦極目狂瀾徒手立亢宗何以報先人先人未報日滋疚為修譜牒承堂構蒐輯時賢未梓書錄之內外編所增大半補直滄海遺珠漏家集詩文次第編唐代李氏創於先茲沿其例分五卷卷卷琳瑯頗井然後人能守前人法一回纂輯一敘插世澤依然濟水長家聲奚止霞城甲不然家譜重修家集遺鉅製名篇付與誰子孫見小忘其大先靈在天但淚垂

致伯獨坐公園荷亭伴來假紀批蘇詩并囑到園遣悶賦此索和

我倦正欲眠何來一介使使自誰家來云自公園至牆東舊隱者獨坐賞佳卉乞假未見書移玉同清話清話我所欣為訪荷

亭地荷葉綠田田荷風香細細一雨晚生涼園林更輝媚對此
少盤桓煩襟冷然快况有坡公詩晚嵐百回味一讀一掀髯珠
玉落天際古人去遙遙引領徒翹企與君愛景光毋使斯文替
覽沃邱仲子當代名人小傳得雜感五首

大江東去海西流鯨子鯨孫次第浮五代孱王今再見九年洪
水更誰收人居壑谷昏昏逝詠馮天改撐犁黯黯愁聞道京門
蛇又鬪詠馮誅奸直欲到嵩邱五德統

一陣狂風捲地來羣鴉吹上鳳凰臺頭須竊藏偏邀賞卜式為
郎不費財能效夷言皆上攷忍為民蠹即奇才諸公騎鶴腰纏
富知否嗷嗷鴻雁哀官僚

大好家居帝者暉纖兒撞破不知非下喬入谷成何濟奪棗爭
梨但自肥誰為宵人輸社稷可憐慈聖泣宮幃高皇孫子皆龍

種忍作黎侯賦式微清室王公

腰懸金印手銅符赳赳雄風逞武夫百計和戎良足恥萬方多
難是誰辜河邊白草淒堆骨帳裏紅顏笑捋鬚鄙焉戕戕勤卜
築董公能得幾時娛武人

未能一死報君王為念中興尚可望豈有少康長竄逐可無臣
靡共匡襄兩宮岑寂黍苗綠三徑荒蕪松菊香會待魯戈麾落
日漢官濟濟頌重光遺臣

哀台州海溢有序

五月晦夜烈風猛雨一時交作兼之海潮汎溢漂沒田
廬死者無算綜計台州六邑被災者四以太平為最次
黃巖次臨海次寧海蓋自咸豐四年後此其再見云

台州六邑四沿海魚鹽生涯莫可改海潮汎溢拍天高海岸居

民果何罪聞昔咸豐之四年洪潮淹盡千萬田噫嘻今世是何
世潮頭澎湃又如前六十八年兩降禍即此亦可參因果吾台
僻處東海隅海隅自少罹兵火不罹水火罹水災天心夢夢何
酷哉雖然天心本仁愛土沃民淫禍之胎共和改制方九載洪
水滔天利安在蚩蚩樂與同沉浮痛博酣嬉無一悔狂則恒雨
蒙恒風蠢爾安知造化工吾曩作歌哀異地身有哀性賦大水哀
風上詩大今哀桑梓涕沾胷死者已矣不可作生者如何不自覺
貧者窮餓悔前非富者推解宜何若自此滌洗召天和時雨時
風瑞氣多不然昊天疾威未有艾飢饉而後未必無兵戈君不
見咸豐四年潮洶涌中原戎馬紛控僣又不見宣統三年水懷
襄武昌鼙鼓驚地動

題項士元西湖讀書圖次見贈韻

盈盈一碧洗纖塵三十年前此託身業光緒中西三書院把酒留將
天上月賞花看盡雨中春老來簷笈難重到亂後湖山已失真
何幸水濱人宛在同光文化尚如新

倒次前韻

項斯風貌古猶新磊落何人為寫真大好西湖原入畫本來東
觀自長春元閣讀書於此館宜晴宜雨孤山地非佛非仙一粟
身太息阮公今不作可堪六籍付烟塵精舍文達編經籍纂詁

七月十七集月社同人夜飲六言二首

座上德星七點天邊明月一輪有毅有酒同醉黔婁未可云貧
微露沾衣欲溼涼風吹面解醒有井未能投轄忍教客去三更

題子辛薜林玩月圖

小山深處多桂花桂花十里神仙家神仙家君坐薜林裏月華

皎皎清於水七寶扇五弦琴松喬御風來伴吟

感大風雨有序

自七月二十一至二十四狂風拔木瓦石皆飛大雨傾盆晝夜不息地方被災較五月晦夜尤烈云

幾日淫霖如注萬家爨火都虛莫謂蒼蒼太忍下民狂蒙何如先慈揚太宜人忘日書感

少耽佔畢壯蹉跎辜負劬勞感慨多兒欲元宗嗟已晚不知泉路痛如何

讀陶淵明責子詩有感示諸子

白髮蕭蕭近古稀著書儘可掩柴扉膝前諸子誰能養乞食宜為世所非

十八夜空庭玩月

斧斤修月萬神仙今夜何如昨夜圓天上嫦娥猶戒滿人間嫫母但爭妍

次和致伯病目兀坐

岌岌崇山酷似冰蕭蕭風色浪難乘蛾都撲焰嗟柯極鶚欲摩天病未能午睡不知門外客夜吟渾似定中僧世間萬事莊生夢一覺花開案上燈

致伯以疊病目韻索和二疊奉酬

直似朱絲清似冰天河無路可植乘繅成白髮君猶健悟徹黃庭我豈能世亂不妨貧若丐秋高幸未瘦於僧九峰深處多雲水洗罷先生大淨燈

致伯以病目九日不克赴九峰六疊前韻索和復倒次其韻四疊奉酬

病目連宵早息燈青氈兀坐學枯僧百年似夢誰先覺

與舍人吳月橋明經均九日登高我尚能元亮逸情詩裏寫謫

仙豪興酒中乘急揩老眼看光復昨夜潯沔報合冰

九日集九峰東同人

老來無計補蹉跎亂後登高我最多

歸九峯十二年九日淡比黃

花香晚節醉傾綠酒浪高歌澗邊古塔昂頭企閣上奇書到眼

羅烈士暮年心未死何時洗甲傍天河

許眉甫以倒次九日韵和贈疊韵奉酬

滔滔波浪起洪河喚渡其如北有羅長夜何來得鹿夢窮途忍
作飯牛歌自非許劭相知久誰諒于謙熱血多喪亂還鄉忽已
老皇皇歧路悼蹉跎

九月十六夜月食既書感

今夕是何夕皎皎天上月月華有盈虧不虞分奄忽嫦娥初現
時四顧秋波溢祇嫌一秣桂鏡臺遮密密不念根株深笑倩吳
剛伐吳剛拜下風揮斤力為竭俄焉桂盪雲蔽盡廣寒闕空明
大千界黯然黑如漆銀蟾失其輝玉兔喪其窟嫦娥匿大羅杜
門不敢出天帝知事變雷霆怒勃發嚴旨斥吳剛眾仙都削秩
獨宥嫦娥辜更也豈無術噫嘻帝如斯怪事真咄咄

偶感

昔賢四國日乘輅處處為霖膏黍苗今世密雲常不雨到頭能
否澤西郊

子綬贈菊二樽詩以謝之

小園歲歲菊花培今歲無花悵雨摧何幸故人多厚意淵明窗

下九華開

所贈是九華菊
係淵明最愛者

輓林烈婦有序

烈婦楊氏名字芳直下街人畢業於崇誠女校高等小學適林氏柏青柏青者中學畢業生曾肄業於夏先生伯定門烈婦歸甫三年而柏青逝婦送喪歸當夜仰藥以殉手書絕命詞一紙留付舅姑嗚呼其志可哀其事誠足風也

天荒地老破網常分屬糟糠生下堂濁世雨雲多變態清門風義自流芳三年佳耦光陰促一紙遺書意思長他日倘逢劉子政應教補傳發幽光

十月初七偕玖伯季球賞菊九峰兼訪家心補公

青霜紅樹菊花天到處看花儘可憐獨有名山地不俗依然不足古之賢喜逢公瑾飲醕酒佳心看公醕酒猶記子將開綺筵註

垣集月社同歲歲哦詩人未瘦却慚白髮上華巔

獨坐玩月

雲淨天空霜欲流寒宵孤月朗於秋大千世界莊嚴土可有解人茶一甌

輓王子綬表兄時十月十九

自經喪亂髮皤皤耆舊凋零老淚多兩年中伯明兄綬均德與何

幸故人常矍鑠相期晚歲補蹉跎夜燈清話渾如昨月之君曾訪

我生談 薤露悲歌可奈何惠我菊花花未謝不圖魯殿失魏莪

一山以林南樵觀察至滬籌商振務贈二律見示因次其

韻東一山南樵

最難今雨舊人來一片婆心兩未灰東海流民介夫繪南朝故國子山衣蕭蕭棠邑倉無粟莽莽燕京債有臺博濟未能堯舜

病不知皇運幾時回

比年農圃學樊遲地是商山可采芝問字不來問下士

近來

白話

弄潮但見里中兒雁聲哀怨霜寒夜鴉陣縱橫日落時

願共黃花香晚節漢盤自有露華滋

林樸山以避亂濠鏡一律見寄次和

怪雲翻墨萬山濛西漢遺黎痛聖公時相誰非長樂老男兒都
是可憐蟲一腔哀怨江頭雨幾度憂憶海曲鴻寄語種梅林處
士繁霜消盡即春風

蝶山居

讀唐人集三首有序

此潘嶧琴學使所命題也前稿已佚今從兩浙校士錄
謄轉原評云此詩知人論世獨有深識非但賞其才藻
耳

衡州富文藻雄氣冠詞壇體格中唐後一往多波瀾早年銳仕
路長風送羽翰一朝失所託圭玷洗良難同羣劉與李遠謫辭
朝端文章既伯仲遇合齊悲歡世路多荆棘擇履宜少安要津
雖可據不如老釣竿

呂溫

八音並悅耳磬聲尤泠然文外有遠致疏越等朱絃吾愛李元
賓逸格謝雕鏤秀采咀六代金石同淵淵當時擅文譽吏部相
後先韓才如溟渤汪洋納百川李文如姊瀆其水清且連畫疆
各自霸鞭弭相周旋

李觀

樊南天下才慷慨談兵事吾謀適不用著書以見志發憤作罪
言河北方專恣戰守各為論霸上譏兒戲翰墨老斯人節鉞將
誰寄徒令一麾守鹽車困騏驥餘事作詩歌纏繞忠愛思元白
輕薄兒未許爭位置

杜牧

大雪偕李球訪後凋草堂致伯喜甚留飲賦詩用東坡聚
星堂雪韻索和因次其韻

去年綠萼青箬笠戲偕孝伯寒涉雪子謂與今年雨雪又霏霏腥
穢江山快清絕百卉蕭條凍且僵獨有松柏挺不折故人高卧
後凋堂一寒至此人踪滅季方約我重行行行行把袂相牽掣
一枝藜杖飄然來沿河踏碎冰如纈故人望見心顏開圍爐煖
酒談霏屑吁嗟乎東坡會飲聚星堂七百年來渾一瞥兩首詩
成天改容流風遺韻今誰說不知異世後凋堂我輩寒光能否
照金鐵

六十六生辰自歎

六十六齡渾一瞥回頭往事何堪說五冠郡庠氣亦昂八戰秋
闈翼皆折僉謂文章與命憎豈知我文投時拙任諄之性畀自

天至今垂老不改轍老來歲歲坐青氈滿篋文字滿腔血血中
文字訴與誰松間明月梅間雪家人為我賦介眉有酒盈樽味
芳烈我飲斯酒樂且悲大叫一聲動天闕中歲失怙恃義蓼徒
嗚咽晚歲遭喪亂黍離長悒悒忠孝兩有虧生也不有歿嗚呼
生死何足論丈夫且勵節一日日不暝一日心如結君不見馬
伏波老益壯窮益堅千載照人以風骨

六十六感歲書感

喪亂歸田里須臾十二年夙興雙白首越缺歸枯坐一青氈撫
髀偏生肉能文不值錢勞君叩上帝何日見堯天

門人邱震校

卷十

辛酉元旦六十七吟

黃巖柯驊威

柯子行年六十七向平之願亦云畢從此辟穀游名山長嘯豈
乏松喬匹松喬離世誠邈然神州板蕩問誰恤我亦昂藏七尺
軀不獲一灑滿腔血今年喜聞天雞鳴神龍潛淵呼欲出龍兮
龍兮宣重光雲臺豪彥誰第一延攬英雄悅民心別有謀謨鄧
高密高密為郡文學才邂逅蕭王作元弼丈夫貧賤固猶人所
志昭乎揭日月功成長揖歸田廬白衣山人依舊耽著述

次和玫伯元旦

漫漫長夜十年恨一片青氈坐破時幸有天雞來叫旦可無老
驥出酬知桐宮落寞阿衡恥蓬戶淒涼后稷飢聞道朱門酒肉

真幾人酣醉倒瓊卮延壽會元旦

春季學生旅行歌

雨餘芳草碧風過落花紅大好江山錦繡中

青年不易得青春更難逢忍忘時勢造英雄

蒙藩變起燕京庫空誰能請纓師終童

今朝旅郊野來日平羗戎步伐止齊一樣同

季球以春日偶成索和因倒次其韵

課兒書學晉羲之味在青燈只自知亂後歸田羞乞食春來苦

雨懶尋詩誰能忍此天長醉無可奈何日易馳纒過花朝花半

謝林園非復海棠時

和季球春日思親之作

百花生後滿城春是我先慈設悅辰在九二月三載免懷呼罔極

一肩行李痛辭親臨歧密密衣縫綫歸里茕茕淚滴巾或成朝

歸而節近清明思展墓嗟余同產已無人兩兄均逝

清明至羽山方山展墓得絕句五首

奉林一去幾千年洞有莓苔未有仙老鶴翩然雲際落似曾招

我上青天過羽山洞

老去精神不異前未知埋骨在何年漢家倘有中興日忍作詩

人題墓阡過主壙

譽滿陽江動白沙空山掛劍費摩挲重之及公宰陽江陳白沙其

墓書一聯云自慚昔作關中吏未有涓埃報國家紅日劍掛空山護白雲

公拜墓

覆盆莫照漫呼天遠戍猶詔訓子篇常項公以選直判東昌遷

以他罪被誅三日寧江水澄碧淵源到處說廉泉公拜墓

小井邱詩存

崇禎丁丑子
宮志載江子
三公

年少登科老入山獨留肝膽在人寰
忍冬遺稿今無恙公軒詩

文遺稿未詳尚存
未獲雕鐫我汗顏公拜玉峴

河西吟有序

三月朔日路橋以錢米振災黎者五家楊氏其一也是日下塘港一帶數千人齊集路橋最後至楊氏家楊氏先使入門內每人給銅圓二給畢逐一放出蓋防其再來也是時天將晚盡人爭先給諫以保衛團約束互相蹂踐死十八人傷數人賓縣長鳳陽隨往驗幼者每名恤墨銀廿元老者每名恤四十元嗚呼是真功不補患矣

掘草根剝樹皮草根樹皮都無遺人生最苦孰如災黎死者填溝壑生者忍腸飢腸飢不能忍思乞粒粟炊作糜身無完袴足穿蒺藜日慘慘風淒淒扶老攜幼相追隨十步九跌來河西河西富人管仲器簞豆細故能鉤稽約束男婦魚貫入從容闢門放之歸是時斜日將西下欲歸不得程不齊譁然一聲奪門出門內橫屍慘疊官為檢其屍斟酌給以貨災黎何辜而至斯嗚呼災黎何辜而至斯

偶賞園中牡丹二首

小園十笏半桑麻中有人間第一花
莫謂老來春事去紅妝猶照讀書家
十年林下壯心灰無數名花手自栽
難得此花多雨露天然富貴逼人來

夜坐林檎花下

白雲淡淡月西斜涼露無聲細溼花花欲睡時人未睡湛然明
鏡照微瑕

湛然明鏡照微瑕我是儒家亦佛家識得本來無一物人間何
處有繁華

曉坐林檎花下

曉來花下浣吟腸露綠煙紅風自香少坐依然僧入定不知微
雨溼衣裳

曉起窺園二首

曉起窺園露欲流氤氳芳氣箇中收不知仙掌長生藥能勝摘
頭玉液不

曉起窺園百鳥鳴驚聞布穀暗催耕耕田不早難收穫此是春
來第一聲

三月初九日九峰補袷余偕莘侯先造後凋草堂少坐旋
雨莘侯致伯遂乘轎去余敢興而回致伯詩來索和因倒

次其韻

老作枯僧不解顏何如桑者自閑閑放懷擬濯流觴水敢興難
游繞郭山愧我獨吟紅雨裏羨君高唱白雲灣年來萬事初心
負莫怪天公晴又慳

次和李球春暮書懷

麥風吹面帶微寒春服成時曾次寬曾點放懷原不俗陶潛容
膝亦相安當階紅藥開尊賞排闥青山拄笏觀何處一竿同釣
鱖柳陰橋畔綠漫漫

許眉甫以溫嶺場安道人思危樓存稿見贈且索題為題
五絕句

北望京華燕處堂
漂搖風雨亦相忘
元龍百尺樓頭卧
猶懼春寒夜有霜

思危樓

太液池邊綽約開
九天雨露舊栽培
至今故國繁華冷
青眼何人載酒來

醉蓉閣

洞庭老叟去何年
積有千頭餉地仙
莫笑逾淮化為枳
一軒綠滿歲寒天

摘綠軒

從古騷人但賞春
秋來何物可怡神
南樓明月東籬菊
都為三生證夙因

賞秋館

蕭瑟江關拓小園
子山得意竟忘言
箇中日涉成何趣
灌罷花根又菜根

亦可園

崇儉會成立賦絕句十首簡同會諸君

大江東去海西流
極侈窮奢徧九州
似此狂瀾誰砥柱
磨生哭

罷淚難收

晏子平生一敝裘
臨淄稷下古風留
未能聞譽施中外
冠帶巾

鵠亦自羞

欲築高臺計百金
漢皇雖富有危心
如何家僅中人產
畫棟飛

我綺閣深

太息何曾醉夢年
朝朝下箸不論錢
席前方丈工魚膾
孰若園

蔬清更鮮

桓氏子歸裝送豐
鮑宣一見笑冬烘
相攸果得乘龍婿
珠翠翻

嫌玷淑容

儀禮煌煌重士昏
為求佳偶潔蘋蘩
至今古道無人識
但見魚

龍百戲喧

延有士大夫明戲者

未能色養報劬勞
苦塊餘生當永號
底事多儀不及物
哀絲豪

竹耳嘈嘈

北海朋樽綺麗開坐花醉月共徘徊萬千哀雁霜寒夜聽到嗽
嗽忍引杯

犀杯象箸好安排殷紂亡身此厲階今世士夫爭鬪富西方奇
貨滿瑤齋

天荒地老夜漫漫莠滿朱門不忍看安得衛文風儉德布為常
服帛為冠

浴佛日子辛炊青精飯適致伯過訪遂招余同食致伯歸
而腹瀉戲謝以詩因次和

江城四月間到處閑人少我亦困青氈勞心殊草草老色滿鬢
眉有如早苗槁苗槁雨東來根荻可再造人槁日西逝誰能長
食稻世無安期生空想仙人棗不意王子喬招我話舊好知己

兩三人無端聚鴻爪綠酒青精飯既醉亦既飽醉飽獨酣眠不
許他人攬醉後浪高歌驚落檐前鳥雖非上界仙或是長生道
餘常美飽之故即睡致咄哉牆東叟醜顏年來姣種花自怡神著書
且忘老胡來河魚疾漏聲聽到曉母乃常惺惺故為魔所擾何
如睡漢任意游仙島

致伯以兩月內師友逝者數人感賦一律見示因次和

極目長江滾滾流幸逃三劫寄蜉蝣讓人厭世騎箕尾誤我封
侯負虎頭莫謂百年同露電相期一統大春秋牆東豈是鳴高
地坐看河山次第收

午日集崇儉會柬同人

三杯濁酒帶餘醒乘興來修昨日盟伯昨日致放眼青山排萬疊
任頭白髮長千莖人非老友歡難盡天假良緣午又晴太息嗷

嗷鴻雁苦滿城蕭鼓不聞聲各廟戲

任彬甫茂才以其母葉太孺人行略見示為輓以五絕句

名媛生小處名門風貌端凝語笑溫七歲解紛人嘖異孰云芝

草產無根如婦人徐色西明經華元公

德耀韶年嫁伯鸞蕭條四壁雨風寒最難家負累累債不受人

憐不永歎婦謝之以蓋恐會賄人情者臨人

自賦離鸞喪所天青燈夜織淚潸然孤兒莫問娘何苦漏已初

更爾可眠何瑞人每夜泣無之爾可安眠

老去春秋近古稀北堂愛日正依依豈期月落桐山裏一笑指

花竺國歸補所居

賢母匪惟柳與歐兩公勲望足千秋九熊畫荻尋常事不有佳

兒傳不留

楊定孚給諫與桐鄉勞玉初尚書重宴鹿鳴蒙頌宸翰辛

亥後異數也給諫用尚書韻索和為賦長句一首

漢家大德有興替最難得者是人瑞中朝養士三百年名宦儒

林可勝計自經滄海變桑田鄉里賢書付雲煙貞元朝士都零

落寶祐科名孰愛憐獨有海濱棲二老受國厚恩登科早荏苒

流光六十春衣冠猶見商山皓昔者 穆廟垂裳衣補行辛酉

開秋闈兩公高折廣寒桂年少翩翩得意歸同光先後登進士

浙水東西鸞對峙作牧能懷泮水鴉玉女善屏息入臺不愧唐

門為泊乎 今上膺皇圖可仕可止殊其途補衮需才交相薦

焉玉女以張文襄堂杜門著書聊自娛 鄉老歸田 願多噫嘻今歲是

何歲天雞重鳴天宇霽墨藻淋漓出玉宸丹心照耀輝仙桂詩

賜黃髮升心額給諫賜 老臣恩遇自千秋渠田曲園何足伴他

年侍宴紫光閣聽罷工歌借箸籌

烈日炎炎金魚大半槁死觀之有感時五月廿七日

盈盈一勺水青青數莖藻昕夕游其間不啻江湖好何來酷暑
蒸形神頽枯槁豈天忍不仁棄爾如菅草抑我防護疎冷泉注
不早嗟嗟今何世烈焰燒八表鬼爛神且焦天荒地亦老放眼
看紅羊生命誰能保乍見為爾悲轉念為爾禱此去化為鷓鴣
作圖南鳥六翮橫長空快把炎氛掃

閱來復報載吳子玉巡使題獅詞四首慨然有感為賦睡
獅吟一首有序

睡獅二字中國古籍所未見也在昔光緒中葉朝廷鑒
於外交失敗力圖自強造艦隊設機器局置軍港築礮
臺聘英德人為客將又擇少壯將弁出洋游學當是時

歐美士大夫咸謂中國大國也一旦覺悟勢不可當而
曾公劾剛適駐節英國年少氣銳志夷情有口辨乃昌
言曰我中國譬如睡獅夢醒一吼全球震動矣歐美人
聞之莫不悚惕而懼有黃禍此睡獅之名所由昉也嗚
呼曾公歿於光緒二十一年至今已將一世而長夜漫
漫獅仍熟睡此志士仁人所為仰天長歎也茲作睡獅
吟一首亦聊以喚醒夢夢耳

氣熊熊光雉雉百獸之長稱獅子跨虎頭執牛耳一聲雄吼萬
山峙何時誤入黑甜裏長夜漫漫睡不起睡不起味誠美四面
逼楚歌何地可容爾東方曰暘谷長人千仞傀惟魂是索惟魄
是褫卧我榻旁鼾聲雷駭獅兮醒無大辱奇恥何人洗南方曰
明都至今不同軌雄虺九首封狐千里匪兇匪虎為域為鬼獅

分醒無疇昔藩籬都潰矣西瞻昧谷蠢爾野蠻儼然文斐逐逐
其欲耽耽其視赤蟻玄蜂碩大無比獅兮醒無今後不可以五
紀北眺幽都慘霧濛濛狂瀾瀾瀾毀室取子洋洋自喜牛雖瘠
而可嗤債於豚豈不死獅兮醒無朔風捲地淒何似嗚呼豺狼
入室可奈何內外相殘况有蛇我本海上釣鰲客醉讀招魂浪
作歌時乎時乎不可失獅乎獅乎宜惕惕急指醒眼看江山江
山如此誰收拾

中秋賞月集飲公園致伯成一律索和因次其韻

伏摠哀鳴志不休瀟瀟風雨共驚秋豈期天放一輪月頗令人
消萬斛愁朵朵酒花紅上頰亭亭松蓋綠當頭昨宵如晦今如
晝箇裏分明樂與憂

賓侯煦東以和致伯中秋集飲韻見示疊和一首

安仁垂老未歸休花縣停車春復秋蜀道廿年尋舊夢宦蹟湘
江萬劫訴新愁嶠嶠清風自信盈懷袖玩韻有賦不明鏡相
期照上頭難得琴堂多暇日淋漓詩酒洗煩憂

九日集飲九峰簡同座諸君

未能投筆定氐羗自恨鬚眉老色蒼一歲忽逢重九節幾人狂
醉百千觴吏間難得萍踪聚詞一有兩知秋老依然桂子香歸
去夕陽無限好滿天霞綺作光芒

前題倒次致伯韻

北望中原淚滴巾朗公避地此棲身黍禾宮裏今何世松菊窗
前尚有人爽氣西來秋色好狂瀾東逝日華淪年年佳節崇祠
拜髻髻丹心照白蘋

枯坐九峰圖書館閱來復報載吳子玉巡使竹德頌一首

慨然有感為賦長句

九峰截業來天目獨得扶輿氣清淑下有精舍十數間中有主人喜種竹我來看竹動遐思一聲長嘯震林谷未出土時含黃苞節已貞堅標簇簇便凌雲去破蒼冥幹亦直而不屈曲平生秉質虛且圓亭亭森立能醫俗噫嘻今世是何世長夜漫漫神鬼哭邊烽戍火徹天紅猛雨疾風何草綠獨有此君棲名山晨光肩金夕擁玉願君化神龍盪滌九州之螫毒願君引老鳳措拄一枰之危局濁流清渭川有斐輝淇澳涕淚恤瀟湘平安報巴蜀忠義定神州東西遵約束乃歎寒三友生是獨侯千戶封不足青士抑塞磊落非凡材手洗乾坤消百六

今秋聖誕節外人皆懸旗慶祝停止辦公為向所未有爰賦長句志喜也

秦岱峙巖巖長河流滄滄磅礴鬱積幾千年闕里素二... 出
秦王誕降在何時相傳夏正八月二十七後王宗聖... 出
此定為聖誕節斯節歡聲騰如雪萬人瞻拜膝為屈... 出
教澤深杏花壇畔春風集神州比年大陸沉學說翻... 出
論語供薪舉國狂春秋末閣無人識日月長經天圓光... 出
江河永行地淤泥偶馬塞不轉瞬間復其初直與兩大無終... 出
我聞西哲有名言五百年後孔教當徧行萬國萬國於今... 出
戈乞靈木鐸何其疾木鐸一聲太和溢可使鐵血主義熄可使
南北危局一殊方異俗同於式如何黃矣華胄不食先聖之舊
德

許用九明府以先大父問渠公行傳見示為賦長句一首
我昔肄業城中塾得瞻風貌清且肅流光如電三十年耆舊典

型堪往復初耽許鄭嫌支離旋信程朱作私淑一領青衿不畏
寒一腔熱血不諧俗辛酉之歲賊屠城萬人奔竄揮淚哭先生
舍命突重圍募運靈輜厝山麓親舊往來毋相欺赤心耿耿置
人腹昆季中落殊可憐天被溫溫招共宿貧家有子慕於財未
能遽入膠庠讀百端調護玉其成古道至今照耳目良相救世
醫救人良醫門前踵相續畫書一方疾弗瘳中夜徬徨眠不熟
壯課兩男老課孫孫枝盈砌人如玉中有一枝秀翹翹貢入成
均出作牧君不見明德之後有達人豈必瑞巖先陸天錫福

堪與詳先人於瑞巖自謂吉穴天成

和童慎五明經六十四自營生壙之作

去秋會葬葛子谷曾與老友同信宿流光苒苒逾一年何幸尺
書來茅屋展讀尺書語云何云營生壙沙岡麓信手揮毫成二

詩和者多多皆珠玉未知珠玉果何如我懷却異乎
參秀禾油油天改撐犁人逐鹿男兒生世不逢辰未能脫牛衣
馳驥足捧滹沱飯進蕪蕪粥圖雲臺像定要荒服生
死何一抔足不然幼安葬遼東仲連蹈海曲全而受少全
何水何山非我千秋萬歲之湯沐

望夕月下賞菊

今夕何夕聞寒香枯坐東籬酒一觴一觴獨酌渾無味却喜婦
娥解人意玉鏡團團不夜開人間天上共徘徊人間幾見花常
好天上何期雲淨埽霜華如碾周羣芳疇是經寒不改黃黃菊
一叢傲晚節亭亭招月兩清絕我因對之開心顏鬢鬢公見
南山南山高高不可仰踏天儼儼仙人杖

壽王母毛太宜人六十

我聞古來稱賢母孟也陶也歐與柳自非膝下能成名到今未
必垂不朽壽母先世出毛公良人誰氏我之友我友捐館幾何
年我亦垂老白其首低徊舊雨時傷懷宿草青青蓋已久今年
霸妻自西歸便叩草堂訊子婦自言行年逾六旬冰霜奇煖經
飽受夫逝猶遺兒女三再厄於大螿所有一燈夜織課孤兒孤
兒差幸箕裘守前年迎養到長安僚友擬壽三觴酒我謂關中
多瘡痍無限哀鴻無路走不如節此介眉錢加惠窮檐豈不厚
嗚呼母乎母乎真慈悲得千里駒良非偶千里神駒萬里程何
不將母歲言書座右

夜訪玟伯得讀符笑拈大令五古一首慨然有感和贈笑
拈時笑拈與義兒同寓滬上哈園

霜露零空谷蕭蕭何草綠中有一老松得氣獨清淑雜處荆榛
間蒼然照人目龍鱗作之而黛色淨如沐不知此何山髣髴培
花木花木日繁滋誰能禁樵牧樵牧得得來倚嘯放黃犢材大
固能容靡聘殊處處四顧風色奇怒濤相起伏天性本孤直忍
與時屈曲淪落分所宜太息渠渠屋但保歲寒身俯仰亦已足

奉贈康南海先生一首

芳蘭生空谷聞者自往復茶竹長幽園見者勝食肉有此不凡
質足動人心目如何槭棘材場圃亦並蓄我聞古醫師或不棄
山鞠我聞古匠氏或不遺拳曲時雨滋百穀百穀油油熟春風
吹百草百草萋萋綠栽者培其材何材不拔俗吾兒粗知書豈
意殷陶淑乃知大賢門小善率以錄

十月廿八日為杜清獻誕辰偕同人祭畢感賦二律

台生磅礴駕生申能使端平氣運新史相同時居要地溫公以

後見斯人滿腔血性西臺草一瓣心香南澗蘋滾滾寧江清不
再我從何處訪天民杜公生年志載永
一堂俎豆展莘莘丞相流風幸未湮尚友誰為天下士談經賸
有歲寒身江山破碎懷南宋星斗蒼涼望北辰杜曲英魂呼不
起摩挲遺集淚沾巾

十三夜偕王子阜舍人王季球茂才訪獨樂樓喻太史志
韶復乘輿過牟太守伯謙宅暢飲余素不耽酒太史強拇
戰幸而大勝因作歌嘲之並柬子阜季球伯謙

故人新自駕湖來賦賦與蘇湖汪汪千頃心顏開獨樂樓前月
如畫兩三舊雨同徘徊徘徊少坐豪興動奈無紅袖瓊卮捧太
無云紅袖添香惜舍人謂訪太守家當有綠珠相陪奉到門喜與
主人逢旨酒佳肴次第供醉翁之意不在此將言囁嚅羞欲死

主人會意故徐徐酒半呼僮喚綠珠僮云綺閣金鐙滅驚破春
婆恐獲辜主人曰嘻是何言萬喚千呼莫憚煩無何環珮珊珊
至銀釭斜背從容侍史公嘉其禮相見飄然省識春風面玩弄
桓公如老兵吐吐逼人強拇戰老兵不平斯一鳴觀者辟易驚
先聲既而佯北退三舍莫教趾高誰與京從此再接再再厲手
揮目送皆如意曹沫何來三敗羞孔明原有七禽計吁嗟乎天
醉沉沉已十年未能傾海洗腥羶但假筵前一壺酒滿斟巨觥
罰張顛張顛心膽雖墮地可惜少試驚人技來年投筆事從戎
請看尚父鷹揚勢太史書以姜太

門人邱震校

溫州府 湖 書 院